

2^A

EXAMEN DIVINITATIS
Quam in Carmelo Vespasianus consuluit.
five

C. SUETONII TRANQUILLI LOCUS
DE DEO CARMELO

Hispanice Explicatus per Excellentiss. Dominum

D. Gasparem de Mendoza, Ibañes de Segovia & Peralta,

Equitem Ordinis de Alcantara,

Marchionem Mondexarii, Comitem Tendiliæ,

& utroque titulo Magnatem Hispaniæ

nec non Marchionem Valhermosi & Agropolis,

Dominum Provinciæ Almogueræ, &c.

Interprete Daniele Papebrochio S. I. T.

eadem ex causa. calumniam passo.



ANTVERPIÆ MDCXCVIII.

APUD VIDUAM ET HEREDES HENRICI THIEULLIER.



LECTORI

Marchio Mondexarii & Comes Tendilia.

Revi discursui non est opus prolixa præfatione: ne tamen in illum, quasi ex abrupto, impingat Lector, nihil præmonitus; & ut mos geratur receptæ passim inter scriptores consuetudini; satisfaciam scrupulo, ab iis forte movendo, qui hic desiderarent notitias plurium rerum, passim apud alios inveniendarum, & hujus Dissertationes scopo primario utcumque contrariarum. Cum enim ii, qui uno abhinc seculo, supposititios in Hispaniam Scriptores introducendo, omnibus placere sunt conati, id præcipuo egerint studio, ut conciliarent sibi eorum suffragia, quorum honori signum istæ servari videbatur; vix invenias aliquod tam absurdum commentum, illorum publicationem prægressum, quin ipsis inveniatur confirmatum amplificatumque. Verum quia nulla formari potest tam evidens convictio falsitatis; quæ possit ad veritatem contrariam amplectendam inducere animos, in illius defensionem stulta præoccupatione obfirmatos; decrevi inutilibus in præsentiarum contentionibus non implicare me; atque adeo ea quæ sic dicuntur, nec refutandi quidem causa attingere. Satis erit te scire, Lector omitti talia, non per ignorantiam, sed de industria; ne argumenti ineptitudo obscuraret propositi thematis gravitatem & detrahat aliquid decori ipsius scribentis, liberi ab omni alio affectu, quam qui veritatem spectat, cuicumque appellenti animum ad commentandum unice spectandam. Vale.

FACULTAS PROVINCIALIS.

Infrascriptus Societatis Jesu per Fländro-belgicam Prapostus Provincialis, potestate mihi facta ab Adm. R. P. N. Prapósito Generali Thyrso Gonzalez, & ex sententia trium nostræ Societatis Theologorum, qui infrascripta recognoverunt atque approbarunt; permitto ut imprimatur vulgeturque *Examen Divinitatis, quam in Carmelo Vespasianus consuluit, ex Hispanico Latine redditum à Daniele Papebrochio nostræ Societatis Theologo, ad justam Excellentissimi Auctoris, eadem qua Interpres calumnia impetiti defensionem; in quorum fidem hæc manu mea subscriptas, & Officii sigillo munitas dedi, Brugis Fländrorum die XXIII Junii MDCXCVIII.*

Locus † sigilli.

LUDOVICUS HAVET.

APPROBATIO ORDINARIJ.

Imprimi poterit. Antverpiæ I. Jun. 1698.

ANTONIUS HOEFLACH C. G. L. C.

SUMMA PRIVILEGII REGII.

Cum Dominus noster CAROLUS II, Dei Gratia Hispaniarum Indiarumque Rex Catholicus, atque Brabantia Dux, mihi Danieli Papebrochio, Societatis Jesu Sacerdoti, per litteras patentes, signatas 1692, 23 Februarii, concesserit Privilegium, cuicumque à me eligendo Typographo communicabile, pro imprimendis *Actis Sanctorum, & quibuscumque eo spectantibus scriptis, permitto Viduæ & Heredibus Henrici Thieullier, Typographi ac Bibliopola Antverpiensis, ut possit imprimere ac distrahere Dissertationem Excellentissimi Marchionis de Mondexar, super quodam Suetonii loco de Deo Carmelo, à me Latine redditam ad ipsius Auctoris meamque ipsum secuti justam defensionem. Actum Antverpiæ die 12 Junii 1698.*

EXAMEN.

NON VERA ORIGO ATQUE SUCCESSIO
 SACRI ORDINIS CARMELITANI,
 In confirmationem
 Veræ Originis atque successionis ejusdem
 Historico-chronologice demonstrata,
 PER DANIELEM PAPEBROCHIIUM
 Societatis Iesu Theologum.

§. I. *Occasio hujus scriptiunculæ contra Chronologiam
 Antiquitatis Carmelitanae.*



Uti nunquam nisi publice provocatus, ac variis modis compulsus, primum à R. P. Francisco Bonæspei, deinde ab aliis aliisque RR. Patribus sacri Ordinis Beatissimæ Virginis Mariæ de monte Carmeli; animum aut manum applicui ad scribendum aliquid de institutione & antiquitate ejusdem Ordinis, silentium non necessariis disputationibus præferens, (ut alibi dixi & dicam denuo in Protestatione iterata, his addenda) quique nihilominus non desinebam accusari & exagitari indignis motis, propter illa ipsa scripta de antiquitate Ordinis, in tomis majoribus, quasi latentia & paucis nota; tandem judicari, compendium inde mihi concinnandum esse, quod facile lectu, declarare omnibus doctrinam meam ac tueri innocentiam posset; idque re ipsa impressi sub titulo; *Vera Origine at-*

que successio sacri Ordinis Carmelitani. Interea sciebam supplicari à PP. Carmelitis Sanctiss. D.N. Innocentio XII, pro obtinendo silentio circa antiquitatem suam, mihi semper magis optato, quam ipsis; neque futurum credebam, ut nova mihi super illo argumento molestia, post petitum silentium crearetur. Cum cœce nuntiatur mihi recens editio tum aliorum aliquot contra me libellorum, tum unius prægrandis tomi, auctore Reverendiss. P. Joanne Feyxoe de Villalobos, Nolæ editi: de quibus dicam mox pauca in Protestatione, de qua supra: postquam hic & nunc doctrinam meam de Origine & successione prædictis, tam contra novos illos, quam veteres Accusatorum meorum libros, confirmavero.

2 Denonitrahant in Vera Origine Ordinis, institutionem ejus primam, & successionem altius repeti, quam à seculo Christi XI, non posse: utpote de qui-

bus ante annum 1193 nulla invenitur uspiam apta ad id suadendum memoria: tum vero incipiunt inveniri memoriae plures, quæ illo seculo etiam incepisse Ordinem, non modo suadeant, sed omnino persuadeant. Et prima quidem invenitur prædicto anno 1193 apud synchronum Auctorem & oculatum testem, primordia Ordinis accurate describentem in Itinerario suo; Joannem Phoca.

3 Paulo post, sub annum 1210 invenitur memoria ejus in Regula, novellæ Eremitarum Congregationi, à S. Alberto, Hierosolymorum Patriarcha illo tempore præscripta, & hodieum in Ordine laudabiliter servata:

4 Iterum invenitur in Historia Orientali Jacobi de Vitriaco, oculati etiam testis, qui sub annum 1216 in Palæstinam profectus, Ptolemaide Episcopus ac deinde S.R.E. Cardinalis fuit.

5 Invenitur an. 1226 in Constitutione Honorii Papæ III, Regulam ab Alberto Ordini datam approbantis auctoritate sua Apostolica.

6 Invenitur anno 1230 in Constitutione Gregorii Papæ IX, eandem Regulam confirmantis.

7 Invenitur anno 1233 in alia ejusdem Gregorii Constitutione, qua confirmatum à se Ordinem in suam & Sedis Apostolicæ protectionem suscipit.

8 Invenitur pro anno 1238 in Guiljelmo de Sanvico, qui primus est omnium Carmelitanae familiae Scriptorum, vere talium, quod sciam; quique illi anno 1238 affigit generalem Ordinis, quam videre potuerit, è monte Carmelo & Palæstina in Europam transmigrationem.

9 Invenitur anno 1248, in Constitutione Innocentii Papæ IV, prædictam Regulam corrigentis, declarantis, & militantis; qui etiam ad varia Carmelitarum dubia ibidem respondens, indicat, inter

alia dubitatum eatenus fuisse, an Castitas & Paupertas, ex Regule præscripto observandæ quidem, etiam ex promissione & voto observandæ essent; quemadmodum promitti, & observari debebat obedientia, non tantum ex Regula, sed etiam ex voto: idque declaraturus Pontifex, adjungit hisce Regule verbis; *Petors obedientiam PROMITTAT quilibet aliorum, & PROMISSAM studeat operis veritate servare*; adjungit, inquam, nova hæc cum Castitate & abdicatione proprietatis. Quæ adjunctio sane supervacanea foret, nisi Castitatem & Paupertatem, quas jam antea ex vi Regule observare debebant, hic præficeret promittendas & ex promissione observandas, uti promittebant & observabant obedientiam etiam ex voto. Et multo magis supervacanea foret adjunctio illa, si jam olim à temporibus Eliæ & Elisei, sine interruptione, talia vota in usu ipsi fuissent.

10 Hinc est quod ego principium Ordinis seculo Christi XI assignam, & inde per veram certamque Chronologiam, successionem ejus, numquam apud idoneos auctores interruptam, solide demonstrem, ante illud seculum frustra apud idoneos auctores quaerens veri nominis Institutorem, Legislatorem, Approbatorem, Confirmatorem, Generalem, Provincialem, Priorem; imò nomen ipsum Ordinis Carmelitani; uti cognoscere licet ex Resp. mea ad Exhib. Art. 16 tomo, & alibi.

11 Contra hæc venit P. Sebastianus in Exhibitione sua Art. 16, & recentius Reverendiss. P. de Villalobos in Brevis Chronologia Religionis perfectæ, superadditis vulgari; nec non in sua Historico-sacra & Theologico-dogmatica Disertatione de Vera Origine & progressu Ordinis, nuperrime in lucem edita. Uterque auctor Ordinis sui, ab Eliæ temporibus repetita, ejusque perpetuæ successionis

Chronologiam texere videri volunt. Qualem autem? Non annos singulos, aut singulos decem aut viginti, aut quinquaginta distinguentes; sed secula integra atque integra lustra majori facilitate, quam probi Chronologi anuum unum, transilientes. Totum quippe spatium temporis ab Elia usque ad Christum, quod est fere annorum mille, ita decurrunt uterque chronologicè, ut toti monstrare intenti, fuisse *Filios Prophetarum, Rechabitos, Essenos, Assidaos*, &c. nescio quas aliorum sectas, per quos ab Elia ad Joannem Bapt. successio Ordinis transmissa sit; nullum apte distinguant tempus, quo alii illorum aliis successerint, quo cœperint, quo finierint: neque explicant quo casu Filii Prophetarum, Rechabitar, Esseni, qui diversa inter se instituta sectati fuerunt, in unam coaluerint Religionem Carmelitanam.

12 Chronologia, recte ordinata atque distincta, jure suo appellari potest anima Historiæ, &c. mensura veritatis ejus: si vero recte ordinata distinctaque non est, non animat Historiam, sed exanimat potius; neque ejus metitur veritatem, sed falsitatem detegit, ipsamque incredibiliorem reddît. Quisquis me chronologicè docere vult continuatam nec umquam interruptam successionem Religionis Catholice Romanæ, à Christo Domino huc usque; frustra est, si distinctus definire tempora ejus &c. gesta non possit, quam per secula aut lustra integra; si Pontifices Romanos integris seculis non possit ulli certo tempori alligare; si non possit illorum decessores successoresque ullos indicare; si in Ecclesia usum fuisse præcipuorum mysteriorum aut Sacramentorum, puta Baptismi, Eucharistiæ, Sacrificii Missæ, Sacrorum Ordinum, non possit certo monstrare. Si vero etiam non possit nominare pro seculis integris

Pontificem Romanum, Patriarcham, Episcopum ullum, neque ullum omnino Catholicum hominem nominatim proferre, ecclesiasticum aut laicum; sanctum aut impium; principem aut plebejum, virum aut feminam; quis tamen Chronologum credat chronologiam texuisse bonam, aptamque persuadere, continuatam tot seculis fuisse Ecclesiam Romanam?

13 Habes hic, Lector, veluti in schemate adumbratam Chronologiam Ordinis Carmelitani, ab Elia usque ad S. Bertholdum, per secula omnino viginti duo. Secula ibi tantum distinguuntur inter se. post Christum; ante Christum ne distinguuntur quidem; sed decem integra transiliuntur per modum unius, summamque facilitate. Nullus ibi sufficiens monstratur, certo tempore, imo nec omnino monstratur, in Religione sua ante Christum emisisse vota religiosa; aut Obedientiam, Castitatem, ac Paupertatem (sine quibus Religio, qualem hic intelligimus, nulla est) ex voto observasse; ne Institutor quidem ejus Elias, aut unicus, qui nominatim producit, in regimine successōr Eliseus; altum de votis istiusmodi tacentibus sacris Litteris, sanctique Patribus; & fidem in horum silentio, non merentibus, qui frustra citantur, aliis, tametsi subtilibus horum temporum Theologis. Quæ facta sunt inquirimus hic, non quæ fieri potuerint fortassis.

14 Nullus in tota Chronologia ista, post Eliam atque Eliseum, nominatur Moderator Ordinis supremus, seu Generalis seu Provincialis, sive Prior, nisi forte Joannes Baptista: multo minus recensentur eorum decessores successoresve; principium aut finis regiminis; præclara, aut ulla gesta. Nullæ totâ Chronologiâ allegantur bulæ aliæve litteræ Summorum Pontificum seu veteris seu novi Testamenti, aut Patriarcharum, aut Episcoporum;

porum; aut Regum Principumque secularium, quibus Ordo approbatur, confirmetur, admittatur in possessionem alicujus loci, donetur fundis, laudetur à gestis aut vituperetur. Nullus denique tota Chronologia nominatur veri nominis Carmelita Religiosus: imo vix ullus honore ex prædictis sectis ibi innotescit nomine suo, nisi forte Jonadab inter Rechabitas, & Judas Machabæus inter Assidæos.

15 Hisce ita suppositis, manifestissimum est, nullam ex talibus Chronologiam posse concinnari, aptam ad probandam successionem unius ejusdemque seu Ecclesiæ Catholicæ Romanæ, sive Religionis Carmeliticæ, continuatam à principio utriusque suo. Eadem Chronologia inerior etiam foret, si quis Catholicus Romanus vere continuatam Ecclesiæ suæ, aut Carmelita Religiosus verè continuatam Ordinis sui successionem porro vellet ostendere per varias hominum congregationes, quæ toto, quod supponitur aut præsumitur, tempore successionis, extiterint quidem, una post aliam; sed tam inter se ex doctrina vel instituto cuique proprio diversæ; quam ab Ecclesiâ Catholica Romani vel ab Ordine Religioso Carmelitarum alienæ. E. G. Si Catholi-

cus Romanus pro successione chronologica Ecclesiæ suæ evincenda monstraret, extitisse certis successive temporibus alias atque alias sectas, Gnosticorum, Donatistarum, Arianorum, Nestorianorum, Monothelitarum, Albigensum, Hussitarum, Lutheranorum, quas totum tempus, quo vera Romana Ecclesiâ extitit atque duravit, successive unam post aliam implevisse hic supponamus: numquid is Ecclesiæ Catholico-Romanæ, cujus una semper eademque fuit ac esse necessario debet doctrina fidei, successionem & chronologiam egregie probaret? per sectas nempe, quæ tametsi non pauca habuerint communia cum vera Ecclesiâ, in punctis tamen essentialibus nonnullis ab illa discrepabant & extra Ecclesiam factæ sunt? Similis est probatio, quam asserunt PP. Carmelitæ pro Ordine suo vere religioso; quando successionem ejus repetentes à temporibus Eliæ, inserunt Chronologiam suam Filios Prophetarum, Rechabitas, Essenos, Assidæos; quorum sectæ tam sunt diversæ inter se, & magis diversæ ab Ordine Carmelitano vere religioso; quam præmissæ hæreticorum sectæ sunt diversæ tum inter se, tum ab Ecclesiâ vere Catholico-Romana.

§. II. *Varia auctoritas Scriptorum ad fidem faciendam.*

Quisquis huc æquus Lector accesserit, de probitate & antiquitate Chronologiæ Carmeliticæ ex testimoniis scriptorum, non antiquorum, judicaturus; velim Historicum esse vel tantisper fieri, non considerantem quam numerosa auctorum, idem forte nunc sentientium, turba proferatur (solent eorum numerus major aut minor majorem plerumque probabilitatem asserre questionibus speculativis ac theologicis, non item historicorum factis antiquis) sed

quam prope abfuerint Scriptores à tempore & loco, quibus res, de qua disputatur, gesta sit; quos ipsi (si recentes sunt) duces habuerint; quam antiquos, quam prudentes, quam fideles: an omnes unum, ut sepiissime fit, secuti sint: hoc enim casu obtinebit effatum Melchioris Cani, omnes simul in factis historicis majorem non facturos fidem, quam illum unum quem secuti sunt: ab illo siquidem totum habent quod habent, & nil amplius habent.

ORDINIS CARMELITANI.

17 Si quaeritur E. Can. possibilis fuerit in Lege veteri status vere religiosus; disputent Theologi, etiam hodierni; accedentes ad alterutram oppositarum sententiarum, singuli aliquam ei probabilicam afferent maiorem iudicio suo. Si vero quaeritur, an ipsa fuerit in Lege veteri status vere religiosus, id est, an fuerit Congregatio aliqua, quae se obstrinxerit Deo per vota Castitatis, Paupertatis, atque Obedientiae perpetuae, cum id ad factum pertineat, nunc sciri sine testimonio divino aut humano non magis potest, quam sciat, an stellae caeli, aut arenae, quae sunt in littore maris, sint determinate pares, an determinate impares.

18 Testimoniū porro scribentis aut afferentis, aliquid factum esse, tanto est credibilius, ceteris paribus, quanto propius abest à tempore, quo factum sit, is qui testatur. Sic scriptor rei gestae contemporaneus, siquidem vir probus sit, summam meretur fidem: si seculo uno re gestae posterior vixerit, meretur minorem: si duobus, tribus, & sic porro, seculis inde removeatur, minorem ac minorem semper pro gradu remotiois obtinebit. Si à mille, aut bis mille annis aliquid factum fuisse asseruerit ipse primus; sine teste multò antiquiore, non putem ullum tam caute credulum esse, ut ei fidem adhibeat.

19 Quippe qui tempore remotior est, si non habet fide dignum scriptorem quem sequatur, aliunde non potest asserta sua confirmare, quam ex finia & traditione hominum: quae si ad spatium centum, ducentorum, trecentorumve annorum aliquid veritatis retineat sine scripto testimonio; ita paulatim variari solet, pro affectu rem narrantium ac posteris tradentium, ut dissimilis omnino sibi tandem evadat, ac non raro à diversis familiis nationibusve (quolibet quod sibi

suisque gloriosius videtur, quodam naturae impulsu concipiente) res eadem contrario plane modo referatur, imò & scribatur tandem. Exemplum huiusmodi, multis post rem gestam annis ex diversa traditione conscriptae, passim obvia sunt in Historiis & Sanctorum vitis. Unde patet, quam exiguum aut potius nullam mereatur fidem scriptor, aut plures etiam simul, huius aut priorum trium seculorum; in iis, quae ab Elia decimo ante Christum seculo gesta esse asserunt, nescio ex qua traditione Ordinis; quae ipsa traditio nusquam à maioribus cognita, nusquam scripto relicta esse, ostenditur.

20 Dic mihi nunc, amabo te, cum per annos bis mille nec divino nec humano testimonio ullo constitit, Eliseum Prophetam fuisse raptum curru igneo in caelum (uti constat, raptum fuisse Eliam; si post annos bis mille Scriptor aliquis id primum asseruisset E. G. seculo Christi 13, aut nunc assereret, teste nullo antiquiore allegato aut invento; an tu hoc asserenti de Eliseo adhiberes fidem? Si deinde istius unius & primi, raptum Elisei asserentis, exemplo & auctoritate nulli post ipsum plurimi seculo 14 & sequentibus idem assererent; an horum asserta pluris facienda essent quam dictum primi: aut primi dictum, ideo, quod plures idem postea ex ipso referant, amplius valeret aliquid ad fidem faciendum?

21 Si porro tot recentioribus scriptis, saepe lectis vel auditis, preoccupatus aliquis nunc iuraret, se raptum Elisei constanti traditione à maioribus, accepisse; quantum fidei apud viros prudentes meritorum putes traditionem illam, facti tam singularis, & per se vix credibilis, tot seculis sine testimonio scripto transacti; & à solis recentioribus, unum non antiquum seculis, asserti? Ego, uti raptum talem sine antiquiori testimonio

prudenter credi nullum posse autuare; ita, neque admitti prudenter posse existimare, tam antiquam esse de tali raptu traditionem, ut propterea credi sine hæsitatione deberet aut posset, nisi ipsa traditio comprobaretur, apto testimonio aut alio argumento, vere antiqua esse.

22 Quod si factum transiens, & exigui temporis, & uno tantum loco gestum, paucisque visum, quale fuisset raptus Elisei, post bis mille, aut mille tantum, aut pauciores etiam annos prudenter credibile non sit; nisi intra illud spatium sufficienti auctoritate testatum fuerit; quanto minus credibilis erit res permansens, & multis seculis continuata, & in totius mundi conspectu variis locis gesta; si de illa, quingentis, mille, aut bis mille annis elapsis, nemo scriptis suis mentionem fecerit? Talis autem fuisset institutio Ordinis religiosi, sub tribus votis

paupertatis, castitatis & obedientiæ continuati per secula viginti & amplius; qui per varias orbis plagas & collegia dispersus fuerit; qui sanctorum vitæ & exemplis virtutum ubique præluxerit aliis, qui præcipuos quosque Heroes ac Prophetas, inter suos numeraverit; qui una fuerit & sola religiosa familia in mundo seculis pluribus. Quod si talis Ordo ignoratus fuerit omnibus ubique, viginti seculis, quibus continuasse dicitur; gravissima profecto argumenta afferat oportet, qui post tam diuturnam ejus ignorationem, ipsum credibilem aut cognitum reddere præsumit. Mox videbimus, qualia argumenta sint, quibus talis Ordo adstruatur atque fundetur; postquam sectas proposuerimus, per quas Ordo continuatus sit; ac inspexerimus an, & quibus Elias ipsum instituerit.

§. III. Per quos Chronologia Ordinis Carmelitani continuata sit.

Pæcipuæ variorum sectarum, quæ Carmelitis religiosæ professionis sunt, atque Ordinem ipsorum propagarunt ab Elia usque ad Christum, enumerantur, *Filii Prophetarum, Rechabites, Esseni, Pythagorici, & Assidei*. De singulis, & singulorum institutis dicenda sunt pauca.

24 *Filii Prophetarum*, qui & *Prophetae* & *Prophetarum Cunei*, ut fatetur Lezana, jam inde à Samuele Propheta instituti fuerunt, annis fere 300 ante Eliam; ut certis in Collegiis seu Seminariis (uti fere nunc etiam fieri videmus in Ecclesiis Cathedralibus) educati doctique, suis temporibus concurret prællerentque divinas laudes, quod ex sacris litteris certissimum est. Hi certam regulam servaverint in Collegiis istis suis, ut par est credere, & uni Præsidi obdixerint: sed

obedivisse ex voto, aut castitatem paupertatemve vovisse, quis credat? præsertim cum etiam constet ex 4 Reg. cap. 4 §. 1, ipsos habuisse uxores suas.

25 *Rechabites*, anno circiter 800 ante Christum, à Jonadab (quem discipulum Elisei facit Lezana, sed non probat), orti, & à patre ejus Rechab denominati, una domus fuerunt, tenaces instituti sui: id quod ipsi post seculum illud describunt Jeremix 35: *Jonadab, filius Rechab, pater noster præcepit nobis, dicens Non bibetis vinum vos & filii vestri, usque in sempiternum; & domum non edificabitis, & seminem non serietis, & vineas non plantabitis nec habebitis: sed in tabernaculis habitabitis cunctis diebus vestris, ut vivatis diebus multis super faciem terræ in qua vos peregrinamini. Obedivimus ergo voci Jonadab, filii Rechab, patris nostri, in omnibus* quæ

qua praecepta nobis; ita ut non biberemus vinum cunctis diebus nostrum, nos & mulieres nostrae, filii & filiae nostrae..... Cum autem ascendisset Nabuchodonosor Rex Babylonis ad terram nostram, diximus; Venite & ingrediamur Ierusalem a facie exercitus Chaldaeorum, & a facie exercitus Syria; & mansimus in Ierusalem. Nihil ego hic invenio Rechabitis commune cum Carmelitis: neque enim castitatem paupertatemve servare potuerunt, cohabitantes uxoribus & familiis alentes; neque obedierunt ex voto, sed ex praecepto patris sui: nisi forte commune fuerit quod utrique extra populi frequentiam in montibus aut rure instituti, contra institutum suum civitates postea inhabitare coeperint, fugientes exercitus hostiles, illi quidem Chaldaeorum, isti vero Saraceno- rum; & recipientes se in civitates, ibi commodius, quam rure aut in montibus, manserunt.

26 Interea reflectere lubet, Rechabitas istos non minus differe à filiis Prophetarum praedictis, qui primum antiquitatis Carmelitanae fulcrum sunt, quam differunt ab ipsis Carmelitis; qui tamen utroque, id est, tam Rechabitas quam Filios Prophetarum, ob singularem aliquam religionis aut rigoris speciem, faciunt Ordinis Prophetici, ut facere possint Ordinis Carmelitani. Filii enim Prophetarum ab obitu Elisei desinunt nominari in veteri Leges, eatenus superstites: Rechabitae vero, annos circiter ante ejusdem obitum quinquaginta, jam erant clari in Israel, teste Lezana ad annum mundi 3159. Filii Prophetarum, eorumque Collegia & Cunei, jam instituti erant, uti dictum est, faciente etiam Lezana, à temporibus Prophetæ Samuelis: Rechabitae, autem alium institutorem, quam patrem suum Jonadab filium Rechab, annis 300 Samuele posteriorem,

non agnoscunt: habebantque mulieres (sicve uxores, ut Vatablus legit) & filios & filias suas vere carnales; uti Jonadab ipse vere carnalis filius erat Rechab: neque aliud quidquam connexionis habuerunt cum Filiis Prophetarum Rechabitis isti; quam nunc habeat Ordo Carmelitarum cum Dominicis aut Franciscanis; quibuscum scilicet uti Carmelitae conveniunt in eo quod Ordo religiosus sint à vulgo discreti, & tria vota profiteantur, sub aliis tamen atque aliis Legibus ac Institutioribus vivant; Ordines unde etiam diversi sunt inter se: ita Filii Prophetarum cum Rechabitis illud commune habuerunt, quod singularis observantiae, & severioris cujusdam disciplinae institutum supra vulgus sectarentur; sub diversis tamen institutoribus, sub diversis legibus, diversis in locis, diversis etiam temporibus. Illi enim in urbibus domibusque ad psallendum Deo pridem educebantur: hi postea extra urbes sub tabernaculis ruri habitabant ex instituto suo. Filii Prophetarum non legitur vetitus fuisse vini usus; legitur fuisse vetitus Rechabitis. Illi colebant castitatem (ut quidem docent Carmelitae, contrarium licet suadente Regum Historia lib. 4 cap. 4 §. 1.) hi utebantur uxoribus suis, & propagabant per se domum suam Rechabitarum per filios & filias, uti dictum est ex Jeremiae cap. 65.

27 Nunc ad Essenos, quos sub annum 300 ante Christi nativitatem successisse Rechabitis cupit monstrare Lezana; licet non minus à Rechabitis, quam Rechabitae à Filiis Prophetarum; diversos. Horum Essenorum origo: auctor, institutum, & reliqua usque ad Christum, incertissima sunt; nullam ipsorum mentionem faciente sacra Scriptura, & Baronio nullos agnoscante nisi paulo ante adventum Christi, idque acriter proban-

tē. Illud tamen satis certum videtur ex Josepho Hobarō, aliisque quod matrimonio abstinerint perpetuo: sed æque certum ex eodem est, non abstinuisse ex motivo religionis in Deum, aut ex voto servandæ castitatis, sed ex eo quod *cavendum putarent intemperantiam feminarum; credentes, nullam earum uni viro fidem servare.* Eadem Essenorum secta perseveravit diutius post Christum usque ad seculum 13., quando Jacobus de Vitriaco ap- pulit in Terram sanctam, ipsosque describit, ut supra Josephus, & vocat *Deo odibiles, & hominibus contemptibiles.*

28 Longe ab illis diversi sunt Esseni, quos describit Philo; quosque etiam sancti Patres inter primos Christianos, circum Alexandriam sub S. Marco institutos, referunt. Si jam PP. Carmelitarum hosce Essenos, Philoni laudatos, pro Carmelitis, quamvis longe à Carmelo distiti fuerint, adoptent; videant quo pacto suppleant hiatum in Chronologia quingentorum fere annorum, quot inter Rechabitas & Philonis Essenos intercedunt. Si vero malint continuare successionem suam per Essenos antiquiores, de quibus Plinius & Josephus; considerent, quæso, an decorum sibi futurum sit, admittere inter suos gentem, *Deo odibilem & hominibus contemptibilem.* Considerent etiam, an facere possint Religiosos, ex voto castos, illos qualescumque castitatis cultores, qui ob solam feminarum intemperantiam & infidelitatem matrimonio abstinebant. Considerent insuper, quo argumento docere possint, antequam asserant, eosdem illos paupertatem atque obedientiam ex professione religiosa & voto coluisse. Non putem, scriptores Gentiles & Judæos, qui fere soli de Essenis antiquioribus agunt, tale argumentum subministrare. Certe Josephus apud Lezanam ad annum mundi 3545

num. 53 enumerans multa juramenta (quæ Lezana pro votis computat) ab Essenis, priusquam associarentur, præstanda; nihil omnino habet de paupertate, castitate, aut obedientia, simili juramento firmata aut firmanda. Considerari denique potest (ut de situ illorum Essenorū, quos Plinius remotissimos à monte Carmelo, ad mare mortuum & ultra collocandos putat, nihil dicam) an ulla ratio alia sit ipsos faciendi Carmelitas, religiosa vota professos, atque attolendi ad annum 500 ante Christum, consentiente nemine & Baronio contradicente; quam ut ipsos suppleatur in successione (quæ utique interrumpi non debet) defectus quingentorum annorum.

29 *Pythagorici*, ut inquit Lezana in Indice tomī 1. Annalium, fuerunt *similes Essenis, in aliquorum castitate, in paupertate amore, viâ communi, obedientia, Numinis cultu, silentio, tironum instructione, aliarum vestium usu, cenobiali vitâ, in feminis ejusdem formæ vivendi.* Imo ad annum 3545 num. 32 idem Lezana, cum & ex Bolduco docet, Pythagoræos atque Essenos *ejusdem institui fuisse*; idque probat, tum ex pluribus, in quibus illi inter sese conveniebant, tum ex Herodoto, Strabone, Laertio, & Josepho. Nunc ego capere mihi videor illorum doctrinam, qui Pythagoram pridem fecerunt Carmelitani. Si enim Pythagoræi, & à fortiori Pythagoras eorum magister, *ejusdem institui sunt* cum Essenis, Esseni vero sint instituti Prophetici sive Carmelitani; consequutio manifestissima evincit, Pythagoræos & Pythagoram fuisse etiam instituti Prophetici seu Carmelitani: imo fuerint tales in gradu perfecto, sub professione votorum religiosorum. Nam Esseni, professi fuerunt tria vota paupertatis, castitatis & obedientiæ (horum siquidem votorum professio præcipue constituebat Essenos

Essenos in perfectiori vitæ gradu & statu religioso) Pythagorici autem & Pythagoras *eiusdem instituti* fuere cum Essenis; ergo etiam professi fuerunt tria paupertatis, castitatis & obedientiæ vota; & fuerunt in statu religioso tam perfectio, quam fuerunt Esseni ipsi.

30 Hinc porro conficietur aptior successio Carmelitana, & firmitior nexus chronologicus Rechabitarum cum Essenis; qui omnino haberi non potest, nisi per Pythagoricos prædictos. Absque his enim nequitur, quando orti sint Esseni; interponentibus nonnullis, inter ipsos & Rechabitas, secula aliquot integra. Nescitur, quis Essenis leges suas præscripserit. Nescitur, ubinam terrarum primas sedes habuerint. At Pythagorici sciuntur institutorum suum habuisse Pythagoræ, & hunc fuisse in monte Carmelo, & seculo ante Christum sexto, quando adhuc supererant Rechabites: quos, si dixerò, ipsum in Carmelo excepisse, & ritibus scientiæque sui instituti imbuisse; non existimo id negaturos Carmelitas. Cur tamen Pythagoram cum suis plerumque non proponant in Chronologia Ordinis (quamvis & in partem ejus illos referat Lezana) rationem ipsi reddant.

31 *Assidei* annis 160 circiter ante Christum innotescent ex libro 1 Machabæorum; cumque Lezana ad annum mundi 3545 num. 8 & 9, ex Josepho probatum putet, Essenos atque Assidæos eisdem fuisse; nihil est cur Essenorum principium multo altius repetamus, nedum cur ad annum 500 attollamus ante Christum. Appellantur Assidæi illi libro citato, *Synagoga Judeorum*, foris *viribus Israel*; dicunturque *bellæ maris* & *seditiones movere*, nec pati regnum esse quietum. Præficiuntur ipsis Judas Machabæus, *Prophetici*, sive Carmelitici, *Ordinis alumnus*; *ut* *Esseni vel Assidæi*, ut ait Lezana ad annum mundi 3889 num. 6. Neque vero

alius est ab Elisæo usque ad Joannem Baptistam, quiæque celebratur inter Carmelitas ac Judas ille. Ego interim voti ejus religiosa requiro, & invenio copulatum uxori: requiro exercitia monachalia, & invenio militaria præcipue. Legō enim 1 Machab. 2 ac 3, quod *præfesset Assideis Judeorum*, qui *bellæ nutriunt*; quodque *dixit gloriæ populo suo*, & *induit se lorica*, *sicut gigas*, & *succinxit se arma bellica sua in præliis*, & *protegebat castra gladio suo*.

32 Hæc aliaque hujusmodi plura ibidem lego, generose quidem & bellicose gesta à Juda Assidæisque ipsius, sed non satis apta monasticam professis. Equidem non capio, quomodo illos conciliare quis possit cum decessoribus suis in ordine Prophetico Rechabitis. Hi certe minime militares erant, malteruntque transgredi præceptum & institutum patris sui Jonadab, relinquendo tabernacula & fugiendo rure in urbem, quam bellicis immiseri tumultibus: Assidæi vero cum suo Duce militiam sequuntur sua sponte, & quasi ex instituto sibi proprio. Nisi forte Propheticus atque adeo Carmeliticus Ordo, qui in Rechabitis erat contemplativus & solitarius, in Assidæis factus sit militaris, manseritque nihilominus Ordo idem; aut eadem Regula, quam Elias instituto à se Ordini reliquisse creditur ab aliquibus tam diversa fuerit, quam fuerunt diversæ ipsiusmet actiones atque vicissitudines vitæ, modo solitarie in monte aut spelunca sedentis latentisve, modo belligerantis & Prophetas Baalis virosve quinquagenarios occidentis. Si autem actiones tam diversæ pro diversis etiam Regulis fuerint posteris ejus; tot Ordines diversis insituerit Propheta, quot sectæ inveniuntur in veteri Lege, quæ actiones ipsius aliquas præ aliis sibi in exemplum proposuerint elegerintque imitandas. Neque poterunt Car-

melitæ Ordinem suum per tot sæctas, inter se moribus & instituto diversas, magis continuare ab Elia; quam Jesuitæ suum per Minoritas, Norbertinos, ac Cistercienses, possint continuare à S. Benedicto.

33 Nihilominus, ut hæc sunt, prædicti omnes, Assidæi, Esseni, Rechabitar, Filii Prophetarum, tametsi inter se vita, moribus, disciplina, exercitiis fuerint diversissimi, unus fuit Ordo Propheticus, ut omnes & singuli eorum fiant Carmelitæ: non tamen illi qui ante Eliam Ordinis Prophetici fuerunt, sed qui postea

Docem enim, Ordinem Propheticum antiquissimum, diu ante Samuelem in Prophetis Job, Moyse, Jacob, aliisque cepisse; deinde magis formatum à Samuele, & in collegia quædam distributum cepisse quibus ipse præfuit, ideoque *Princeps Prophetarum* passim appellatur, teste Lezana; tandem vero sub Elia eundem Ordinem Propheticum, factum esse religiosum, cum tribus Obedientia, Paupertatis & Castitatis etiam perpetua votis, ut docet idem Lezana ad annum mundi 3127 n. 15.

§. IV. An Elias potissimum mutaverit Ordinem Propheticum in Religiosum; quibuscum; & quos successores habuerit.

Cur autem sub & ab Elia potissimum hic Ordo factus est religiosus? Ut verum fatear, inspectis argumentis, quæ ex unico Joannis Hierosolymitani libro, mille quadringentis, ut Carmelitæ fatentur; ut vero communis mecum tenet sententia, bis mille quadringentis post Eliam annis scripto priorum enim scriptorum aut temporum habentur nulla præcipue affert Lezana, aliud non invenio efficacius, quam beneplacitum atque præoccupatam in illud voluntatem Carmelitarum. Quid enim probat, quod Dominus Eliæ dixit 3 Reg. 17: *Recede hinc, & vade contra Orientem, & abscondere in torrente Carith, qui est contra Jordanem: & ibi de torrente bibes, corvisque præcepi ut pascant te ibi?* Quo pacto hinc inferas, Eliam hic, obediendo præcepto Domini, emisisse vota tria, aut etiam unum solum, aut instituisse Ordinem religiosum? Inio qui potuit ibi ordinem instituisse, ubi omnino solus homo fuit, nisi eum instituerit cum corvis alioribus suis?

35 Dic, amabo te, quid amplius illa e-

vincant pro institutione ordinis Religiosi aut emissionem votorum; quam ista, quibus idem Dominus pridem præceperat Abraham: *Egredere de terrâ tua, & de cognatione tua, & de domo patris tui, & veni in terram, quam ego monstravero tibi: faciamque te in gentem magnam, & benedicam tibi, & magnificabo nomen tuum; & erisque benedictus?* Hæc sane propius quam illa, absunt ab Evangelico textu, ubi Apostoli à Christo vocati Matth. 4, *relictis patribus & patre secuti sunt eum*: & ab illo Matth. 19, ubi omni, qui reliquerit domum, vel fratres, aut sorores, aut patrem, aut matrem, aut agros propter Deum, centuplum promittitur & vita æterna. Reliquit enim plura Abraham, nec minus prompte quam Elias; & promissionem, mercedis ampliorem accepit à Domino

36 Dic porro, quinam, quot, & unde noti, quibuscum Religionem suam inchoavit Propheta. In Carith enim fuit solus, ut dixi, homo cum corvis. In Carmelo nullos lego ipsum congregasse, nisi Prophetas Baal: quibuscum si Ordinem suum ibi instituit, eodem pene momento

mento ipsum extinxit cum iisdem Prophetis. Si quis mihi afferat filios Prophetarum aut alios, quibuscum Ordinem inchoaverit: is prius in Carmelum illos adducere debet ad Eliam. viâ aliquâ reperibili, quàm prætendat, ibi simul cum ipso Ordinem inchoasse. Scriptura sane, nominans Filiorum Prophetarum Collegia in Bethel, Galgala, Jericho; nusquam ullos adducit in Carmelum sub Elia. Imo ne nominat quidem prius *Filios Prophetarum*, quam cum Elias rapiendus erat curru igneo; & tunc per ipsos transiens, neminem eorum verbo allocutus, aut alio signo dignatus fuit; nedum Discipulos suos aut Monachos agnovit: sed neque ipsi quidquam Eliæ locuti sunt, aut signum aliquod subjectionis dederunt. Solum leguntur, transeuntibus illac Elia & Eliseo, egressi esse *Filii Prophetarum, qui erant in Bethel & in Jericho ad Eliseum, & dixisse ei* (Eliseo) *Numquid nosti, quia hodie Dominus tollet Dominum tuum a te?* Quod si discipuli aut Monachi Eliæ tunc fuerint filii Prophetarum, uti dicitur tunc fuisse Eliseus: cur appellant Eliam dominum tuum Elisei; & non potius nostrum, uti appellare debuissent si etiam suus ipsorum fuisset Dominus?

37 Dic etiam, quis Eliæ terris erepto successit in regimine novi Ordinis religiosi Superior? Eliseus, inquires. Sed unde probas? Cum enim unxit, iustus à Domino, Eliseum *Prophetam post se*; aliud ei non contulit, quam quod jubebatur conferre, donum prædicendi absentia & virtutem operandi mirabilia: quæ nullam per se habent connexionem cum superioritate in regimine Ordinis monastici religiosi. De eodem nihilo facilius, quam de Elia, monstraveris, ubi, quando, quomodo, vota religiosa professus fuerit, aut quos religiosos, talia vota professos, rexit. Præfuerit Eliseus filius Prophe-

tarum & collegia eorum visitaverit: id non magis probat, ipsum fuisse Religiosum, aut Religiosis sub trium votorum obligatione viventibus præfuisse; quam probet, Samuelem, & quibus ipse præfuit, Cuneos Prophetarum, fuisse vere tales Religiosos. Subesse enim & visitari ab alio, etiam in commune viventibus, nullum infert ligamen votorum religiosorum, nequidem in Lege nova, nedum in veteri; sive in eo qui præest visitatque, sive in iis qui subeunt & visitantur, uti patentissime patet.

38 Longe etiam difficilior est invenire Superiorem tertium (de quarto enim, quinto, & ceteris usque ad Joannem Baptistam invenendis, pridem desperatum est) qui mortuo Eliseo successerit. Varias hic itur in conjecturas; aliis Abdiam, aliis Jonadab, aliis Jonam Prophetam Eliseo subrogantibus. Ultimam Lezana, ad annum mundi 3204 n. 9, probabilior videtur, sed non certum; Cum neque in sacra Pagina, inquit, neque in nostris historiis aliquid de hoc reperitur: imo etiam si reperiretur in historiis Carmelitanis, recentiores illæ sunt omnes, quam ut fidem per se faciant in re tam antiqua. Utinam autem Lezana sacram Paginam in hujusmodi semper consulisset, ac velut regulam in antiquissimis factis asserendis ubique adhibuisset; non tam multa asseruisset, quæ æque facile & potiori jure negantur quam asserta sunt; & negata, probari non possunt!

39 P. Sebastianus multo facilius hic se expediret quam Lezana, existimans Art. 16 §. 2 n. 17, nihil magnopere sibi de successore Elisei primo, aut aliis deinceps per annos amplius 800, laborandum esse; imo neque laborandum sibi, ut ostendat singulis seculis fuisse subditos vere Religiosos; multo mirus ut explicet ullo rum gesta, virtutes, professionem votorum,

aliave in particulari rarus, se texuisse chronologiam Ordinis bonam, & successionem nullo tempore interruptam, dummodo demonstret Elianum institutum perseverasse usque ad tempora Christi, ex eo (ut putat Art. 16 §. 3 n. 24) quod in Actis Apostolorum fiat mentio de Prophetis & Filiis Prophetarum; per quos interpretes intelligunt, inquit, Elia & Elisei discipulos, qui tempore Elia ac Elisei sic appellabantur; licet postea variis de causis etiam variis nominibus fuerint appellati.

40 Magnus profecto & generosus saltus chronologicus, ab Elia & Eliseo ad Christum usque! Vellem interea scire, quinam sint Interpretes illi, & cujus auctoritatis, qui locum istum Actorum sic explicant, uti optat P. Sebastianus, nullum citans. Locus Actorum indicatus habe-

tur cap. 3, ubi curato claudio ad Portam speciosam, *accurrens omnis populus stupentes*, quos Petrus pro concione innox alloquens, sic orditur; *Viri Israelitae, quid miramini? eosque postea excitans ad credendum in Christum, ait: Vos estis Filii Prophetarum & Testamenti, quos disposuit Deus ad Patres nostros, dicens ad Abraham, Et in semine tuo benedicentur omnes familiae terrae &c.* Nonne meridiana luce clarius est, ibi appellare Apostolorum filios Prophetarum, quos ante appellaverat Viros Israelitas, id est totam multitudinem suorum auditorum? Vel igitur terminus ille, *Filii Prophetarum*, probat, omnes illic congregatos, fuisse Religiosos Carmelitas; vel non probat ullū talem illic fuisse. Videamus modo, quibus fundamentis hæc doctrina, & principium inde ducens Chronologia, nitantur.

§. V. Fundamenta, quibus antiquitas & successio Ordinis Carmelitani chronologica inadificata sit.

Precipua sunt, auctoritas trium Scriptorum, à tribus civitatibus Patriarchalibus, Antiochia, Hierosolymis, & Constantinopoli denominatorum. Deinde Traditio Ordinis ipsius. Tertium, Breviaria, tum Romanum, tum Carmelitanum, à S. Congregatione Rituum legi in Ordine permittum. Quartum denique Bullæ aliquot Pontificiæ. Hic de tribus, quæ dixi, scriptis & scriptoribus agendum: postea de aliis sigillatim.

42 Primū scriptum, quod PP. Carmelite post Ribotum suum citant, est *Speculū perfecta militiæ primitive Ecclesiæ*. Auctorem ejus vocant Josephum Antiochenum, & credi volunt, seculo Christi secundo vixisse.

43 Alterum est liber *de Institutione monachorum*, in veteri *Legē exortorum* & in

Legē novā perseverantium. Auctorem ejus faciunt Joannem Hierosolymorum Patriarcham 44, qui S. Hieronymo coævus atque amicus vixit sub annum 400 & initio seculi quinti.

44 Tertium est Epistola de *Processu & variis Regulis Ordinis Carmelitarum*; à S. Cyrillo Constantinopolitano, tertio Ordinis Generali, ut ajunt, missa ad Eusebium Eremitam montis Neroi anno 1230.

45 Notandum hic primo, & sedulo, quod horum trium Scriptorum nulla uspiam memoria aut vestigium reperiatur ante seculum 14, nulla ante Ribotum, qui locum ex eo unicuique, nescio unde, ubi repperit, descripsit eodem seculo ad finem vergente, sub annum 1370 vel 80.

Notandum secundo, & æque sedulo, quod Historici, non Carmelite, passim omnes eadem scripta vel allegare de-

dignantur:

dignentur vel repudient ut apocrypha, ut dixi. & ostendi in mea ad Artic. 13 Responsione; de Josepho quidem §. 6. 3; de Joanne vero §. 5, de Cyrillo denique, §. 12.

46 Notandum tertio, quod Bellarminus & ceteri post eum, scriptorum ecclesiasticorum catalogum texentes, Josephi atque Cyrilli, etsi in Speculo Riboti lecta nomina, præterierint: Joannis autè Jerosolymitani sic meminit Bellarminus, ut nomen quidem ejus referat, librum tamen ei de Institutione Monachorum splendide adjudicet, tamquam scriptum ab aliquo longe posteriori; & hoc probat, sic prosequens. *Siquidem in eo libro dicitur Auctor, se esse Ordinis Carmelitarum, & describit habitum Carmelitarum. At illis temporibus nomen Carmelitarum Religiosorum erat plane inauditum, ut etiam Cardinalis Baronus affirmat tomo 6 Animalium ad annum 444. Adde quod stylus est hominis Latini, & temporum posteriorum.*

47 Hæc Bellarmini & aliorum, judicicia talia ex professu & longo usu tractantium, nulloque partium studio hic saltem distractorum, cuius potiora esse debent, quam Riboti Carmelitæ, ejusque sequacium, quantumvis multorum, placita. Illorum judicia contra præsentiam libri antiquitatem ego pluribus stabilio in Resp. Art. 13 §. 5, ut dixi, & Janningus in suo Poscripto, ante primum Junii tomum num. 49, uti & in Apologia ejus inveniend.

48 Nihilominus post tot vindicias, integris voluminibus à PP. Carmelitis pro asserendo libro illo Joanni Patriarchæ prædicto conscriptas; uti & pro asserendis Cyrillo Constantinopolitano & Josepho Antiocheno suis; novas concinnavit Reverendissimus Pater de Villalobos, in sua Historico-Sacra & Theologico dogmatica Dissertatione; easque protixissimas ac dimidium fere tomum implentes (sic mihi scribitur) utpote à pag. 326 ad pag. 706

scripta illa cum auctoribus suis defendens: qua tamen prolixitate non aliud existimatur egisse, quam ut minus credibile factum sit, quod tam operose defendi debuit, ad confundendum potius multitudinem lectorem, quam ad persuadendum rationibus verum. Veritas enim in historicis, se per se ipsam & per præfates circumstantias, temporum præsertim & locorum, ita plerumque manifestat, ut adminiculis tam longe quæsitis non indigeat.

49 Illi jubente, video hunc ipsum de quo agimus, librum, Joanni Patriarchæ aut studiose aut ignoranter attributum, loquentem audire: Quis me novit seculo quinto ex contemporaneis tunc scriptoribus plurimis? Quis me novit seculo sexto? quis septimo, octavo, nono? quis decimo, undecimo, duodecimo, decimo tertio? Interea, manibus plurimorum quotidie terchar; & non novit me? Legebar pro Regula & formabam mores infinitorum Ordinis Carmelitani Religiosorum; & ipsi me informant, sine nomine, sine gloria sepelierunt ingrati? Ego per annos omnino octingentos conservavi vos, cari Patres, in Regula, uniformes in vero Eliæ Instituto; quodque in eo continuatam tot seculis successionem habeatis, meo beneficio habetis: & vos sine gratiis, me meique memoriam, acceptâ ab Alberto Regula aliâ, sic abolevitis, ut videamini omnia ex singulis undique Conventibus ac cellis conquisita exemplaria flammis dedisse, ut ne vel unum ex millenis ad posteritatem transmissum sit. Alberti Regulam continuo variis Pontificum literis, aliorum quidem approbandam, aliorum vero confirmandam aliorum mitigandam & corrigendam intra annos 40 curastis: me autem totis octingentis annis nulli Romano Pontifici, nulli Patriarchæ Hierosolymitano aut Antiocheno, nulli omnino hominum extra Ordinem

veltrum innotescere passi estis. Regula Alberti est quidem Patriarchæ; sed & ego Patriarcha fui: qui illam condidit est Sanctus; sed cum quoque qui me condidit, vos ipsi in cælum tollitis, quantumvis (ignoscite, jubente Veritate loquor) à gravissimis & contemporaneis Patribus, Hieronymo atque Cyrillo Alexandrino, de hæresi suspectus reputetur & arguatur.

50. Scio, postremum vindicem meum Reverendissimum Patrem de Villalobos præsumere, me S. Hieronymo contemporancum imo priorem esse, idque aliis similiter persuasum cupientem, allegare varios ex me textus, qui fere iidem, aut non multum dissimiles apud Hieronymum inveniuntur; quasi hic ex me illos transcripsisset. Verum tantus Doctor, tanta ingenii ubertate donatus à Deo, tot operum scriptor, tam recte Catholicus, qui Joannem Hierosolymitanum propter doctrinam pro hæretico habebat, & scriptis suis quæ supersunt, insectabatur; voluerit ex ejusdem Joannis libris textus aliquot emendicare, ipsiusque doctrinam facere suam? Si tanti fuerit iste liber Hieronymo; cur post illum nemo alius scriptor, annorum mille curriculo, aliquid ex ipso navuatus est, aut librum vel nominare dignatus fuit? Quanto æquius est dicere, ea quæ in Joanne & Hieronymo familia reperiantur, ex Hieronymo potius in Joannem ab anonymo aliquo, rebus suis sic consulere volente; quam ex Joanne in Hieronymo, & quidem ab ipso Hieronymo, transcripta esse? Me quoque pudet, supponi me cepisse me Auctori suspecto de hæresi non ita pridem prius, enim aliis, bene Catholicis, attribuebar. Quamvis enim non omnibus probentur omnia, quæ dico, ut vera; non tamen reprobantur ut hæretica.

51. In subsidium istius libri Joanni Pa-

triarchæ suppositi, accersunt Epistolam, sive ejusdem auctoris sive alterius, attributam Cyrillo Constantinopolitano, uti vocant, tertio Ordinis sui sub annum 1230. Generali. Sed hæc tam manifeste est apocrypha, & nunquam à Cyrillo isto scripta, quam est manifestum, prædictum librum Joanni 44 esse suppositum, & non fuisse scriptum græce, nec ante ætatem ipsius Cyrilli. Cum enim Epistola hæc mentionem faciat libri prædicti, & liber iste aliunde probari non possit ante seculum 14 extitisse, nec ab ullo visus, lectus aut citatus sciatur antea fuisse; multaque indicia & testimonia virorum, in talibus versatissimorum, afferri possint quæ postea scriptum esse suadeant; illa omnia æqualiter probant, Epistolam Cyrillo adscriptam esse ipsius non posse, sed esse temporis posterioris. Nec quidquam congruentius dici potest, quam quod utrumque istud scriptum sub illa ipsa tempora natum sit, quibus cepit primum citari.

52. Idem judicium esto de qualicumque libro, sub nomine Josephi Antiocheni citato à Riboto seculo 14, atque ita citato, ut descriptis inde ab eodem aliquot versibus, liber ipse videri desierit, nec ullus postea quidquam inde citaverit, quam quod apud Ribotum extat. Cur liber iste Josephi infortunatior fuit, quam liber Riboti? Extabat tunc, etiam extiterat (uti quidem optant ac etiam tenere volunt Carmelitæ) annos circiter mille ducentos quinquaginta, quando scribebat Ribotus; cur non ad posteros transmisit eadem cura illud ac suum opus? Cur sibi elabi è manibus sivit librum; tantæ antiquitatis vindicem, is qui unice intendebat libro suo novo antiquitatem Ordini suo vindicare? Re nulla profecto id poterat efficacius præstare, quam proferendo librum tam antiquum.

tiqum. Qualia autem sunt, quæ inde citantur? Quod Carmelitæ, Apostolorum Christi condiscipulos strēmīssimi fuerunt; qui de monte Carmeli descendentes, per Galileam, Samaritam, & Judæam fidem Christi constantissime sparserunt: quique in Virginis Mariæ, adhuc viventis (ut ait P. Sebastianus) honorem, in Moluis Carmeli

declivio, fabricantes oratorium, Salvatoris matris specialissime servierunt. Quæ omnia quam parum credibilia sint, & non potuerint scribi ab aliquo, qui seculo Christi secundo vixerit; tam ex *l'ers*, quam hac Non vera origine Ordinis Carmelitani, manifestum est.

§. VI. Alterum antiquitatis chronologicæ fundamentum, Traditio Ordinis.

DE Traditionibus, merè historicis & ab Ecclesia Catholica universaliter non admissis, hic agimus, & egi pluribus in Responsione mea tota Art. 19, quo Lectorem remitto; requirens num. 21 ad veram traditionem historicam, quæ probet factum vere fuisse quod fuisse tradit; ut continua sit aliquot seculorum; imo ut tempus, quo res traditur contigisse, prope attingat; deinde, ut constans sit ac invariata. Addo etiam, quod, si remotissima tempora & res, ab annis mille, bis mille aut amplius gestas, respicit, debeat per intervalla testimoniis scriptorum fide dignis fulciri. Absque his enim traditio erit merè popularis, ac similis Famae, quæ

Mobilitate viger, virisque acquirit cundo;

Parva metu primò, mox sese attollit in auras,

Ingressiturque solo, & caput inter nubila condit.

§4 Ego verè traditionis, ad aliquid probandum idoneæ, nihil invenio in Ordine Carmelitano circa antiquitatem ejus, ante seculum 14, aut certè non ante 13; nec invenio totis viginti duobus seculis prioribus testimoniis ullius idonei scriptoris, aut vestigium quòvis aliud, quo suffulciatur aut nitatur traditio. Et sane,

cum disputetur, an Carmelitæ fuerint ante seculum Christi 12 in mundo; negaturque passim ab Historicis cum Baronio: nimium præsumere videbitur, qui Carmelitarum qualemcumque de instituto ab Elia ordine religioso, de trium votorum in eo professione, de successione nonquam interrupta, traditionem, ab initio *semper huc usque constantem* (ut ipsam appellat P. Sebastianus Art. 16 num. 4) certamque, ante certam eorumdem Carmelitarum existentiam, tot seculis jam fuisse, absque probatione alia, & absque hæsitatione, ausit pronuntiare.

§5 Apostolica vix ulla traditio ab Ecclesia proponitur credenda fidelibus, quæ non habeat, per singula secula post Apostolos secula, aliquod existentie suæ indicium in Patrum scriptis: & traditio Eliano-carmelitana, à solis seculis & non omnibus Carmelitis credita, quæ tanto altius ascendit quam Apostolica, debet credi etiam à non Carmelitis, sine ullo per duo & viginti secula indicio? Affert quidem Carmelitæ, pro fulcramento traditionis suæ præcipuo, librum Joannis Patriarchæ 44: sed cum hic seculo 14 antiquior non sit, quemadmodum supra docuimus, nullum est fulcrumentum istud; nec poterit fulcire antiquitatem traditionis, quasi hæc ab Elia

semper huc usque constans fuerit.

§6 Fateor quidem, facilius conservari traditionem & manere constantem in contuberniis virorum moderatorum atque religiosorum, quam in levi vulgo; & hoc etiam ex capite traditiones Ecclesiæ Catholicæ plurimum auctoritatis acquirunt, quotquot circa res, in aut ab Ecclesia gestas, versantur. Attamen nullius auctoritatis foret traditio cujuscunque contubernii aut religiosæ familiæ, aut ipsius etiam Ecclesiæ, si qua in ipsa esse aut proponi ab ipsa posset, quæ versaretur circa ipsam talis religiosæ familiæ aut Ecclesiæ existentiam, priusquam extiterint E. G. si traderet Ecclesia Catholico-Romana à Christo instituta, se vere extitisse à temporibus Eliæ, & huc usque eandem perseverasse; quilibet Catholicus novit, ejusmodi traditionem lo-

cum habere in Ecclesia non posse; & merito mirabitur, locum ei ac fidem prudentum virorum in religiosa familia dari. Prius enim est existere, quam agere aut tradere aliquid. Neque fieri potest ut existentia alicujus contubernii prima, ex propria ejusdem contubernii traditione probetur, nisi saltem ipsa traditio aliunde probetur ab initio extitisse. Neque traditio Ordinis Carmelitani (ut concedatur etiam, ab anno Christi 1200 huc usque extitisse) quidquam probat amplius per se solam, pro existentia Ordinis à temporibus Eliæ, quam probet pro existentia sui ipsius ab ejusdem temporibus. Cum autem hæc traditio, ab anno 1200 continuata, non probet, traditionem ab Eliæ temporibus fuisse de existentia Ordinis; ita neque probare per se potest ipsam existentiam Ordinis ab inde deductam.

§. VII. *Tertium fundamentum, Breviaria tum Romanum, tum alia Carmelitis legi permissa.*

Breviaria, ad laudandum Deum primitus & præcipue inducta in Ecclesiam; posterioribus longe temporibus laudatores Dei etiam ad imitationem Sanctorum excitatura, addi sibi atque inferi viderunt Lectiones historicas, quibus gesta & exempla Sanctorum ob oculos ponuntur, & lecta animum disponunt atque incendunt ad imitationem sui. Atque hic est istiusmodi Lectionum historiarum finis principalis; quæ & obtineri potest, non tantum quando singula, prout illic narrantur, facta sunt; verum etiam quando aliter sunt facta; dummodo laudabiliter imitabilia sint quæ narrantur: ideoque etiam diligentia illorum, quibus tales Lectiones committuntur examinandæ & approbandæ, principaliter versari debet circa prædictam imitationis utilita-

tem, minus principaliter circa rerum propositarum veritatem; quæ sæpe omnimoda haberi non potest, quantumvis magna abhibeatur accuratio, etiam à pluribus ad id deputatis, ut videre est in variis hodierni Breviarii Lectionibus, & fatetur Gavantus Sect. 5 cap. 12 Commentarii sui in Rubricas, à me citatus Art. 9 §. 3 num. 27.

§8 Lectionibus sic rite recognitis ab aliquo S. R. E. Cardinalium ac proinde à S. Congregatione approbatis, quid porro confert auctoritas Apostolicæ Sedis? Aliud, opinor, nihil; quam ipsa conferre vult, sub hac aut simili formula *mandans* (aut concedens) ut Lectiones cum reliquo Officio, E. G. de S. Cajetano, in *Breviario Romano* (aut alio) *apponantur*; & ab omnibus (aut aliquibus) *utru-*
que

que *sexus Christi fidelibus, qui ad Horas Canonicas tenentur, de præcepto* (aut ad libitum) *reciuntur die N.* Id totum est quod conferre in similibus solet Pontifex, quia totum est quod solet rogari; nusquam intendens mandato vel concessione sua, vera aut veriora reddere singula, quæ illic versantur facta; quam tunc sunt, juxta prudens examinatorum & approbatorum judicium. Hoc autem judicium, ut sæpe aliud fuisse compertum est, quam res sit in se; ita potest de cetero evenire; præsertim ubi de rebus antiquis incertisque, aut in utramque partem probabilibus, iudicatur.

59 Hinc doceo Art. 17 num. 2, aliud esse fidem, quæ factis in Officio Ecclesiastico narratis adhibetur, non præcipitur; aliud esse observantiam quoad usum Officii: quæ tanto major esse debet, quanto major est auctoritas præcipientis. Hinc etiam Emin. Card. Ursinus, in sua de Reliquiis S. Bartholomæi Dissertatione anno 1693 edita, negat, eas umquam Benevento fuisse translatis Romam, licet in Breviario Romano talis translatio legatur: dicitque ad auctoritatem Breviarii, objectam sibi Art. 6, *Illud maxima quidem auctoritatis esse in iis quæ per se ad cultum ecclesiasticum attinent; minoris tamen esse ponderis in privatis factis aut gestis, quæ in Vitis Sanctorum ex occasione referuntur, via ut efficacæ argumentum inde peti non possit, ubi præsertim antiquiora monumenta adversantur; nisi forte sit in omnibus, quæ antiquissima esse docet non antiqua traditio Carmelitarum. Adversantur enim plerisque ad Carmelitana antiquitatem spectantibus historiis, quas ex traditione sua quomodocumque permixti sunt Breviario Ordinis insertæ, monumenta antiquiora. Imo & deficiunt ipsis plerumque monumenta propria, quæ magis quam traditio, idonea sunt ad probandum.*

60 Jam vero compendia historica, quæ Breviariis inseruntur, à monumentis, non semper æque probatis accepta (qualia sunt nonnullæ Sanctorum vitæ olim conscriptæ) majorem auctoritatem, intrinsicam saltem & per se, habere non possunt, quam habeant monumenta ipsa. Extrinseca quidem auctoritas aliqua compendiis accedet ex judicio ipsa legentis, examinantis, atque approbantis: verum hæc magna esse non potest, nisi idem monumenta quoque antiqua diligenter examinaverit. Neque enim metienda auctoritas illa est ex dignitate personæ, quantumvis sublimi gradu positæ (quantum quidem attinet ad veritatem historicam factorum de qua loquor) sed ex majori minorive prudentia, experientia, & facultate discernendi verum à falso, longo aut minus longo usu acquisita; præcipue vero ex notitia illorum, quæ historiis adjecta sunt, loci, temporis, auctorum, aliarumque personarum: ut verosimiliter sciatur, ubi, quando, à quibus, quam prudentibus res acta, ex quolibet monumentis collecta conscriptaque sit: quæ cum ex compendiis Breviario insertis cognosci non possint, non potest ex iis absolutum judicium de veritate historica ferri. Autographa apographis, antiqua minus antiquis, integra compendiatæ præstant, imo necessaria sunt ad ferendam prudenter de veritate, aut verisimilitudine facti historici cuiusvis non revelati sententiam.

61 Interea, licet fides singulis Historiarum factis, in Breviario relatis, non debeatur, doceo tamen observantiam quoad usum Officii præscripti adhibendam esse tantam, quanta debetur auctoritati Pontificis summi, illum præcipientis aut permittentis. Et hanc ego observantiam adhibui semper per gratiam Dei, & adhibeo, persolvendo quotidie pensum canonicum, etiam

am illud, quod festo solennis Commemorationis B. Mariæ de monte Carmelo, in ditionibus Regi Hispaniarum subjectis, recitandum nobis præscribitur; licet in illo, ac alibi, varia, certiori historiæ minus conformia, deprehendam non raro. Quando autem talia à me deprehensa indico etiam aliis inter scribendum, id facio plerumque majoris utilitatis, aliquando necessitatis causa, semper amore veritatis. Sic utilitas quidem & maior gloria (ut ego quidem existimo) Ecclesiæ Catholicæ stimulavit me, ut Marcellinum, Pontificem Romanum Sanctumque Martyrem, labe turpissima idololatriæ, qua illum à tot seculis invidia hæreticorum asperferat, purgarem: accedente ad reliqua, quibus id præsto argumenta, æquissimo, ut mihi videtur, iudicio, distante, minus credibile esse quod Romanus Pontifex & sanctus Christi Vicarius idolis publice thus adoleverit, cum summo totius Ecclesiæ scandalo; quam quod ii qui Lectiones Breviarii primum collegerunt, quique postea recognoverunt, secuti opinionem tunc (quæstione nondum utimodo ventilata) magis receptam, iudicaverint Lectiones de S. Marcello, ut erant, relinquendas; esse easque cum ceteris, præcepto universali legendas, mandaverit Pontifex.

62. Necessitas vero me meaque defendendi contra importunas P. Sebastiani & Sociorum ejus accusationes, sapientius me coegit refutare plura, quæ ipsi, præter aut contra fidem veterum historiarum, novis Breviarii sui Lectionibus intulerunt; & simul oblata S. Congregationi Rituum, approbata retulerunt legique permissa.

63. Nunc velim illi, qui me Breviarium temerarium faciunt, atque *historias ædæmæ inferius, tamquam fabulas, commissa, somnia, & mendacia explodere accingant*, quique Lectionibus Breviario-

rum, à S. Congregatione Rituum recognitorum & approbatorum, tantam ex ejusmodi approbatione auctoritatem accedere docent, ut falsum amplius subesse iis non possit; nunc velim, inquam, illi mihi dicant, an id doceant, ut bene mereantur, an ut mereantur male de Ecclesiâ Romanâ. Nolim ego suspicari viros Religiosos id velle docere, ut mereantur male de Ecclesiâ matre sua: absit. At vellem mihi monstraret quispiam, non merituus male re ipsa. Damnat quippe Ecclesiâ doctrina illa erroris, jam commissi in iis ipsis, ubi ista docet errare eam non posse. Nam si nunc subesse falsum non possit Lectionibus Breviarii à Pontifice approbatis; neque potuit similiter à Pontifice probatis subesse falsum seculo superiore.

64. Ergo quidquid Clemens VIII in Breviariis, eorumque Lectionibus historicis, à Pio V beato Pontifice approbatis, correxit; quidquid in iisdem ita correctis denuo emendavit Urbanus VIII; correctione aut emendatione nulla eguit. Ergo quidquid in illis, ut minus verum mutari, aut ut falsum deleri jusserunt, per errorem uterque jusserunt, decepti ipsi. Ergo necessario vel subfuit falsum aut minus verum Breviario post approbationem Pii; vel subfuit post correctionem & approbationem Clementis & Urbani: talia enim nonnulla correctæ & omittorum loco substituta sunt, quæ simul vera esse non possint.

65. Ergo omnis probus Catholicus, qui honorem Romanorum Pontificum contra hæreticos eorumque diætesia tueri cupit; liberando E. G. Marcellinum Papam, ut modo dixi, turpissima idololatriæ macula, quam ei hæretici, teste S. Augustino, asperferant; id prohibetur facere per Breviarium Romanum: quia hodie in illo legitur Marcellinus in persecutione Diocletiani, *torore perterritus, deorum*

deorum simulacris tuis adhibuisse. Quid gravius est, & Ecclesiæ Catholicæ magis probrosum, Romanum Pontificem adolere diis, an Romanum revivorem correctoremque non correxisse omnia facta historica, quæ in Breviario leguntur minus vera: aut Pontificem Breviario, quantâ potuit humanâ diligentia castigato, apponere in fidem Revilorum approbationem suam?

66 Quæro igitur an Clemens & Urbanus Pontifices prædicti laudabiliter correxerint Breviarium Romanum, à decessore tuo Pio V beato Pontifice approbatum. Negare, Catholicus si es, non audebis. Ergo & laudabiliter egerunt, qui Pontificibus in ea re cooperati sunt, quique hodie studium suum & lucubrationes eodem dirigunt, notando quæ sibi minus vera, quæ apocrypha, quæ etiam falsa videntur, relinquentes interim iudicio atque arbitrio eorum, ad quos spectat, mutationem & correctionem, quomodo, quando, & ubi voluerint faciendam aut non faciendam. Sane si nemo privatus in scriptis suis similia notando præbuxisset pridem, Concilii Tridentini Pa-

tribus Pontificibusque Romanis; vehementer dubito, an castigatus modo Breviarium haberemus quam fuit ante tempora Pii V. Similia notavit sepe Baronius, similia Mabilio, similia Pagius, Cardinalis Ursinus, & quotquot fere historiam Ecclesiasticam tractant, æque privati scriptores atque ego sum. Cur id in me ab aliquibus, subesse Breviario approbato saltem posse negantibus, grave crimen existimatur, quod aliis plerumque laudi ducitur, equidem penetrare nequeo; præsertim cum materia, quam ego tracto; veritas, quam investigo; decor Ecclesiæ, cui studeo; reprehensiones hæreticorum, quas amolior; exempla Catholicorum, quæ sequor; id exigere aut suadere videantur. Si opera mea, quam cupio utiliter in talibus navare, minus utilis videbitur, etiam iis quibus me meaque scripta, ut debeo, libens submitto; breviori tempore, ac studio impendioque minore imprimentur Acta Sanctorum, ut jacent, *compluribus deturpata mendaciis*, quemadmodum de Actis S. Silvestri Papæ loquitur Baronius ad annum 315 num. 17.

§. VII. *Quartum antiquitatis chronologicæ fundamentum, Bullæ aliquot Pontificiæ, quæ inter Sabbatina Joannis XXII.*

DE Bullis Brevibusque Pontificiis, & quanta factis historicis ibi relatis debeat fides, dixi jam in Responsione mea Artic. 3 fere toto. Posse in illis decipi summos Pontifices atque errare, docuerunt Clementem X Patres Carmelitæ per relationem falsam; qua, testatur Pontifex ille, decessori suo Clementi IX impostum ab ipsis fuisse, indeque errorem & falsum influxisse in litteras ejus Apostolicas, pro Carmelitis ad Ordinarium loci

de Bilbao datas. Breve Clementis X, quo isthæc testatur ac declarat, invenire est in Appendice Bullarii num. 34: uti & nonnulla eodem spectantia in Resp. mea Artic. 2 num. 99 & alibi. Nihilominus contendunt iidem Patres Carmelitæ, certe credi cupienti, Pontifices errare non posse in factis historicis, saltem ubi res suæ & antiquitas Ordinis confirmari quoquo modo videntur.

68 Hunc in finem duas referunt præcipui momenti Bullas, quas optant in

omnibus & ab omnibus infallibiles haberi; alteram, *Sacratissimo tui culmine*, quam vocant *Sabbatnam*, Joanni XXII; alteram, *Dum augusta meditatione*, Sixto IV attributas. Prima, de qua hic, data dicitur Avenione anno 6 Pontificatus Joannis, qui fuit Christi 1322; & confirmata ab Alexandro V anno Pontificatus 1, Christi 1409. In ista Bulla dicitur B. V. Maria apparuisse Joanni Pontifici, eique Ordinem suum Carmelitarum singulariter commendasse, asseverans, *suum in cælis filium Christum Dominum ordinasse ac statuisse*, quod *sanctum intravit Ordinem Carmelitarum servabitur*; & *si alii devotionis causa in sanctam ingrediantur Religionem*, id est Ordinis Confraternitatem; *sancti habitus signum*, seu Scapulare, *ferentes*, appellantes *se Confratres & Consores Ordinis*; *liberentur & absolvantur tertia eorum peccatorum portione*. Præterea pollicetur beatissima Virgo, *se gratiose descensuram sabbato post eorum obitum*; & *quot invenerit in purgatorio liberaturam*, & *eos in montem sanctum vite æternæ reducantur*. Istam autem sanctam Indulgentiam Joannes XXII acceptat, *roborat*, & *in terris confirmat*: sicut, propter meritum Virginis Mariæ, *gratiose Jesus Christus concessit in cælis*.

69 Quod vero ad nos hic præcipue spectat, & in confirmationem antiquitatis adducitur, est, quod ibidem beatissima Virgo postulet à Joanne, ut *amplam suo sancto & devoto Carmelitarum Ordini, PER ELIAM ET ELISEUM IN MONTE CARMELI INCHOATO*, confirmationem præcedat: cujus Regulam mox dicit, à suo servo Alberto Patriarcha ordinatam, & per suum dilectum filium Innocentium approbatam fuisse. Hoc ultimum; ut obiter dicam; non puto, debuisse beatissimam Virginem discere ab Auctore Bullæ, *Dum attenta*, Sixto IV attribuitur, aut potius

suppositæ, ut paulo post videbimus, qui Auctor etiam ipse Innocentium approbatorem Regulæ Albertinæ facit; cum tamen ante ipsum illam pridem approbaverit Honorius Papa III anno 1226, ut ejusdem Honorii Bulla, ea de re data, nos docet.

70 Observari etiam meretur, quod beatissima Virgo ante Albertum Patriarcham non agnoscat alium, qui Regulam. Ordini suo dederit; licet Carmelita prætendant antiquiorem sibi Regulam à Joanne Patriarcha 44 datam fuisse, annis ante Albertum 800.

71 Nunc, quod Ordo ille ibidem dicatur per Eliam & Eliseum in monte Carmeli inchoatus fuisse; commodissime intelligi & explicari potest de eremitica vita, quam in monte illo Elias & Eliseus primi vixerint: quorum exempla diu post ibidem imitati sunt alii, à monte ipso Carmelita dicti; ut propterea admitti non debeat Ordo ab Eliæ temporibus vere Religiosus, cum professione trium votorum, & successorum serie nunquam interrupta. Ostendi nihilominus in Respons. Art. 3 §. 153 prædictam Bullam, Joanni XXII; & Confirmationem ejus, Alexandro V Pontificibus suppositam esse; tum aliis usus argumentis, tum validissimo illic loci negativo, ut vocant; desumpto ex silentio Scriptorum Ordinis Carmelitani plurimum, à me loco citato enumeratorum; qui eisdem cum Joanne atque Alexandro sæculis vixerunt, plerique Priores Generales, aut Provinciales Ordinis; ac proinde si talis Bulla, tam extraordinaria, tam excellens, tam utilis & gloriosa, sibi data à Joanne aut confirmata ab Alexandro fuisset, ignorare id non potuissent: non ignorantes autem, debuissent Scriptores illi, ratione argumenti quod tractabant, ac voluissent pro gloria & commendatione sui Ordinis, utriusmodi Bullæ mentionem.

tionem in operibus suis facere. Quod cum non fecerint, utique poitiam Bullæ non habuerunt; habituri autem fuissent, si Bulla extitisset.

72 Adde nunc etiam, quod Sixtus IV in Bulla sua, *Dum autem mediatione*, prima; in qua reproduct Bullas decessorum suorum fere quinquaginta integras, plurima privilegia Ordinis Carmelitani complexas, ac tres, inter illas, à Joanne XXII concessas: quodque in secunda ejusdem concessii Bulla sua, qua datas eidem Ordini à tribus. & viginti Pontificibus, nominatim expressis, recenset per compendium Indulgentias; nullam noverit Bullam, *Sacratissimo uti culmine Sabbatinam*, aut ei similem; nullam item noverit indulgentiam, à beatissima Virgine Maria concessam; aut animam liberandam purgatorio ab ipsa primo post obitum sabbato; tametsi de Joanne & datis ab eo Ordini Indulgentiis, plura referantur in Bulla Sixti secunda his verbis.

73 Item Joannes XXII, omnes Indulgentias & peccatorum remissiones, à Romanis Pontificibus predecessoribus suis dicto Ordini Carmelitano concessas, confirmavit; & quadraginta annos & totidem quadragenas de injunctis penitentiis universis Christi fidelibus, dicti Ordinis Ecclesias in qualibet sollemnitate quatuor festivitatem beate Dei genitricis Mariæ, videlicet Nativitatis, Annuntiationis, Purificationis, & Assumptionis, contritus & confessus in Domino, pia largitione concessit. Nihil hic de contentis in Bulla Sabbatina; nihil videlicet de certa salute Ordinem Carmelitanum intrantium; nihil de Indulgentiis Confratrum habitum Ordinis gerentium; nihil de descensu Virginis Mariæ in purgatorium Sabbato; nihil de liberatione animarum ex eodem: nihil etiam hic, aut in prima Sixti Bulla, de confirmatione Bullæ Sabbatinæ per Alexandrum V, sexaginta dumtaxat annos ante pontificatum Sixti facta.

§. VIII. Quintum Chronologiæ Ordinis fundamentum, Bulla Sixti IV de successione ejus hereditaria.

Altera Bulla, de qua loqui superiori paragrapho cepimus, attributa Sixto Papæ IV, momenti majoris est. Refertur ab Emmanuele Rodicio in nova Collectione Privilegorum Regularium, inter Sixtinas trigesima octava. Ex hac Bulla duo asserunt pro se & antiquitate sua Carmelitæ. Primum, quod Ordo situs, *Sanctorum Prophetarum Elia & Elisei & Enoch, nec non & aliorum Sanctorum Patrum, qui montem Carmeli juxta Elie fontem inhabitaverunt, successionem hereditariam tenent*. Secundum, quod Indulgentias habuerit idem Ordo à Leone Papa IV, qui anno 850 Ecclesiæ præfuit, alisque seculi ejusdem & sequen-

tium Pontificibus, sibi concessas. Ad primum quod spectat, admitto verba, si minus vi Bullæ hujus mihi admodum suspexit, propter dicta in Resp. Art. 2 à num. 171, atque Art. 3 §. 10 & 11, & hic dicenda: admitto tamen, quia referuntur eadem in certiore alia ejusdem Sixti Bulla & posteriorum Pontificum. Secundum non admitto; neque potest ex Bullis aut aliunde probari, verum esse potest autem probari esse falsum, argumento non uno; & probabitur sequenti paragrapho.

75 Hic ad primum interrogo, quid intelligi debeat per *successionem hereditariam*, quam exprimit Bulla? Respondent

Carmelitæ, intelligi debere successionem, vere & physice continuatam; nec umquam interruptam, ab Elia & seculo ante Christum decimo huc usque; nullo tempore deficientibus, qui vota paupertatis, castitatis & obedientiæ religiosa, idemque institutum in monte Carmelo post Eliam profecti fuerint, Subditis ac Superioribus.

76 Respondeo ego, interpretationem istam conciliari cum veritate rei non posse, adeoque nec debere per successionem hereditariam intelligi physice continuatam à temporibus Elia: & numquam interruptam: posse autem intelligi successionem aliquam hereditariam virtutum atque exercitationum eremiticarum, quarum exempla reliquit Elias illo in loco, ubi postea primi resederunt Carmelitæ; reliquæque ab ipso exempla imitari & in se exprimere proposuerunt, virtutum ejus quodammodo heredes facti. Potest etiam hereditaria intelligi successio, ex eo, quod in montem Carmeli & quidem ad Elia fontem, tamquam in hereditatem ab ipso possessam & posteris relictam, successerint Carmelitæ primi, & quidem jussu Prophetæ. Posset denique hereditaria successio explicari quoque per vere physicam & realem, non quatenus successio referretur ad primam sententiæ Pontificiæ partem, sive ad *Prophetam Eliam & Eliseum & Enoch*; sed quatenus referretur ad partem secundam sibi que vicinorem, sive ad *alios sanctos Patres, qui montem Carmeli juxta Elia fontem inhabitaverunt*. Hunc enim ipsum locum primi Carmelitæ Sancti Bertholdus, Brocardus & Cyrillus cum suis vere inhabitaverunt, ab iisque hodierni Carmelitæ continuam nec umquam interruptam vere tenent successionem.

77 Sed nemo aptius respondere potest quam Pontifices ipsi, qui Bullam dederunt. Interrogentur hi, quomodo intelligant successionem hereditariam Carme-

litarum ab Elia & Eliseo. Respondebunt se intelligere talem, qualem tenent iidem ab Enoch, qui plurimisan te Eliam & ante diluvium seculis vixit, æque ac Elias raptus à Deo. Dicunt quippe Pontifices, Sixtus IV, qui primus successionis istiusmodi meminit anno 1477, & alii post ipsum multi, qui eadem descripserunt: dicunt, inquam, isti Pontifices clarissimis verbis, Carmelitas *Sanctorum Prophetarum, Elia, & Elisei, & Enoch successionem hereditariam tenere*. Si ergo tenent ab uno, tenent ab omnibus; & eodem modo ab omnibus quo ab uno; quia eodem modo Pontifices referunt successionem ad omnes; Sed non potest proprie intelligi successio continuata & numquam interrupta ab Enoch (neque volunt eam intelligi Carmelitæ) ergo neque potest proprie intelligi talis successio ab Elia & Eliseo (neque velle debent Carmelitæ eam potius intelligi quam Enochianam) ergo successio potest ac debet tantum referri ad *alios sanctos Patres*, qui multo post tempore montem Carmelum scribuntur inhabitasse; ad sanctos nempe Bertholdum, Brocardum & Cyrillum, primos Ordinis Generales. Et hæc successio ut etiam physica sit, semper inde continuata nec umquam interrupta huc usque, per me licet.

78 Sed aliud responsum nuper attulit ad idem argumentum, à Janningo ex verbis Pontificis deductum, P. Sebastianus à S. Paulo; non sine stomacho opinatus in Motivo-Juris; contra evidentem veritatem, fraudulenter, in derisionem Ordinis Carmelitarum, à Janningo acceptum esse Enoch, de quo Bullæ, pro Enoch veteris Testamenti Prophetæ: cum evidenter constet, ait, ibi agi de Enoch de Amathim novi Testamenti. Sed quis, amabo, Enoch ille de Amathim novi Testamenti? Antiquiorem non habet interpretem Bullæ Sixtinæ P. Sebastianus, aut inven-

torum alium Enochi de Amathim, quam Palæonydorum: qui primus ipsum induxit in mundum anno 1497, atque ita descripsit: *Fuit Enoch sanctissimus puer, qui velis alter Samuel, à parentibus in montem Carmeli adductus, virgo permansit, qui illic postea Fratrum Rector & Præpositus fuit constitutus; qui locum Fratrum suorum circa Jordanem visitans, audivit S. Joannem dicentem de Christo: Ecce Agnus Dei, ecce qui tollis peccata mundi; qui tunc cum quibusdam Fratribus suis deinceps Christo junctus est, ab eo septimus in numerum Discipulorum LXXII ordinatus; idque non sine mysterio factum creditor. Nam primus Enoch, fuit septimus ab Adam, significans septimam aetatem, in qua beatus Enoch Carmelita beatorum & eremiticam vitam peregit. Qui inde post ascensionem Christi, ab Apostolis Nicopoli Episcopus ordinatus, vocatis quibusdam de Fratribus, monasterium ibi constituit; sed tribus tantum annis illi ecclesie presidens, beato Marco adhaesit.*

79 Hæc Palæonydorus, tam multa, tam antiqua, tam singularia, tam distincte describens de uno Enocho de Amathim, annis mille quingentis ignoto omnibus, auctoritate propria; nullum citans præteritus dictis testem. Pro sequentibus tamen testem citans, nomine tenus, sic pergit: *Unde Philo: Itaque Marcus, assumpto Enoch Eremita montis Carmeli, cum Evangelio quod ipse consecrasset, perrexit in Ægyptum, ubi constructis monasteriis & Fratribus religiose institutis, Enoch ad Terram sanctam post mortem S. Marci reversus, in monte Carmeli contemplationi & orationibus vacans, die 7 mensis Julii, diem clausit extremum ubi anno Domini 64 à Fratribus digno cum honore traditus est sepulchro.*

80 Si hæc testaretur Philo, à Palæonydoro citatus, quantum præsidii accederet antiquitati Carmelitanæ! quanto esset etiam fidei melioris Palæonydorus,

quam nunc reputabatur: volens historica facta, à se primum confecta, & ex omni parte incredibilia reddere credibilia sub nomine contemporanei scriptoris & fide dignissimi, citando Philonem, & allegando verba acti Philonis essent; quæ tamen is nulla habet, seu in toto, seu in parte. Plura de his qui volet, adeat Janningi Amicam Expostulationem, à num. 93, atque Post-scriptum ejus à num. 30: ubi etiam videbit, non posse hunc Enochum de Amathim intelligi per Enoch, de quo Bullæ Pontificiæ, ut Prophetæ veteris Testamenti. Enoch enim de Amathim non fuit Prophetæ; Pontifices autem nominant Enoch Prophetam: Enoch de Amathim non fuit notus mundo, cum suam dedit Bullam Sixtus IV; quomodo ergo ipsum conjunxerit cum notissimis Prophetis Elia & Eliseo? Tacet plura hujusmodi hic recoquere.

81 Sed, nominatur à Pontificibus Enoch ultimo loco. Quid tum? Sit Elias præcipuus & post ipsum Eliseus, quorum imitando virtutes in vita solitaria; hereditariam successionem teneant Carmelitæ: fuit etiam Enoch religiosissimus, fuit Prophetæ, ambulavit cum Deo, qui & oculis ipsius, uti postea Eliam: potuitque adeo, æque ille ac ille cum Deo ambulans, ab eoque raptus in paradysum, reputari à Pontificibus exemplum virtutum, quod imitarentur Carmelitæ. Si Pontifices Rougni, Carmelitas exalceatos laudando, dicerent ipsos hereditariam successionem tenere SS. Theresæ & Elizæ & Elisei: an non recte ponerent primo loco Theresam, & postea Eliam & Eliseum; licet hi tempore fuerint priores, illa posterior? Existimo sane: quia primus locus non respicit in talibus ordinem temporis, sed personam, magis connexam cum re quam fecisse, aut Congregationem quam instituisse dicitur. Theresæ autem

maiores connectionem habet cum PP. Carmelitis exalceatis, quos à Calceatis discerevit, reformavit, novis præceptis legibusque munivit, ac spiritu suo animavit; quam cum illis habeant Elias aut Eliseus, nihileiusmodi respectu eorum operati. Similiter Elias maiorem connexionem existimatus fuerit habere cum PP. Carmelitis, ratione loci quem post ipsum, & ab ipso quodammodo sacram, incoluerunt, ibique successionem habuerunt; quam Enoch; qui non scitur quidem vixisse in Cannelo, ambulans tamen cum Deo, quarrentibus in solitudine Deum, imitabilia exempla virtutum non pauca reliquisse censendus est; & merito in exemplum, uti Elias & Eliseus, proponi potuit Eremitis.

82 Nunc sane non capio, cur P. Sebastiano stomachum moveat sententia Janningi, docentis, Ordini Carmelitarum à Pontificiis Bullis tribui successionem hereditariam *Prophetarum Elia & Elisei & Enoch veteris Testamenti*: cum verba Bullarum id clare indicent; cum illic requiratur *Enoch Propheta*; cum Enoch de Amathim mundo notus non fuerit sub Sixto IV; cum Ordo ipse Carmelitæ Enochum veteris Testamenti suum agnoscat, & inter Sanctos suos etiam reponat. Reverendissimus totius Ordinis Generalis Prior, Joannes de Villalobos, in Brevi Chronologia Religionis perfectæ num. 8 (ut mihi scribit, cuius id interest) explicans illud, quod Enoch *ambulavit cum Deo*: *Id est*, inquit, *tota mentis intentione ferebatur in Deum, Religiosos nostros figurans; & Patrum eorum existens. Quid amplius dicit Janningus? quid aliud Pontificiæ Bullæ? An Patres Carmelitæ nihil*

in Patrono suo inveniunt, quod laudabiliter imitandum proponi potuerit? Idem Reverendissimus in Disertatione sua Historico-sacra & Theologico-dogmatica pag. 76 num. 114. agnoscit, eundem Enoch Prophetam *Religiosum perfectum* fuisse; licet non æque perfectum ac Eliam. Sed nec alii *Sancti Patres*, qui montem Carmelum inhabitaverunt tam perfecti fuerunt quam Elias; & tamen reponuntur à Pontificibus inter illos, quorum successionem hereditariam tenent Carmelitæ; cur igitur non æque teneant ab Enocho, isto? Denique, idem qui supra Reverendissimus in fine tomi, docet ex Theobaldo P. Hieronimi Wayner, Prophetam Enoch *adumbrasse veram Religionem*, seu Statum Religiosum, *Sarmelem delineasse, Eliam inchoasse & fundasse, Christum perfecisse.*

83 Cur igitur P. Sebastianus adeo indignetur huic Enoch, ut ne locum quidem mereri clamet cum Elia & Eliseo in Bullis Pontificum ipsumque inde extrusum velit, propter Enochum, nescio quem, de Amathim? Imo mavult etiam e numero Sanctorum Carmelitarum ipsum eradere, quam relinquere in Bullis prædictis. Fuit enim Enoch Propheta (& nescire id non potuit P. Sebastianus) pridem inter Sanctos Ordinis numeratus & adscriptus: de quo, præter alios recentiores libros, *Catalogus Sanctorum vetusti codicis MS. Carmeli Machliniensis*, festum ejus 20 Maji ponens, sic loquitur; die 20 *Maji Enoch Propheta Carmelita*. Et ut scias de Propheta antiqui Testamenti sermonem esse, suum etiam assignat festum Enocho de Amathim Episcopo, 7 Julii. Nunc de indulgentiis in Bulla relatis.

§. IX. *Bulla Sixti IV de Indulgentiis quale fundamentum præbeat antiquitati Carmelitanae.*

NOtandum ante omnia est, duas apud Emmanuelem Rodericum Bullas extare pro Carmelitis, alteram plurima omnis generis privilegia, alteram varias Indulgentias, tamquam à summis Pontificibus Ordini eorum concessas, confirmantem, utramque rogatam ab eodem P. Christophoro Martignono, Carmelitarum Generali, datamque ab eodem summo Pontifice Sixto IV, sub eodem principio & exordio toto, sub eadem etiam clausula, & eodem fere tempore, videlicet anno 1476 28 Novembris, ac 1477 1 Aprilis. Prior amplissima est, paginarum triginta in folio; altera, paginarum solummodo duarum, Illa⁶ ut prenotat Rodericus, habetur archemica in Conventu S. Francisci Salmanticensi per Dominum Joannem de Castella, Salmanticensis Cathedralis Episcopum: hæc nullo indicio docet aut docetur, unde accepta sit, Illa fere quinquaginta Bullas Romanorum Pontificum, Sixti IV prædecessorum, sibi de verbo ad verbum habet insertas: hæc nullam habet Bullam, sed nuda Pontificum nomina, qui Bullas dederint.

85 Post utriusque simile, ut dixi, exordium, sic progreditur Sixtus Pontifex in prima quidem: *Dudum siquidem à Romanis Pontificibus, prædecessoribus nostris emanarum littera, quas in cancellaria nostra diligenter inspicere, quorunque tenorem de verbo ad verbum, presentibus inseri fecimus, cum incipiam vetustate consumi; & quos & quorum tenores innovamus, confirmamus & approbamus &c.* Tum integras producit decessorum suorum Bullas fere quinquaginta, ut dixi. Post exordium vero secunda, sic loquitur: *Sane sic exhibi-*

ta nobis nuper pro parte dilecti filii Christophori Martignoni, Magistri Generalis, petitio consuebat; Licet unditi Romani Pontifices, prædecessores nostri, ob reverentiam gloriosissime Virginis Mariæ de monte Carmeli ... diversas Indulgentias & peccatorum remissiones ac privilegia & multa Ordini Carmelitarum & viris domibus concesserint, quæ in iisdem domibus sunt recepta; & quorum continentia, sive compendium aut Synopsis, publicis scripturis, in dicti Ordinis ecclesiis apertissime reperiuntur, sub hac videlicet verborum forma.

86 *Leo Papa IV, omnibus Christi fidelibus, qui ecclesias beatissima Dei Genitricis semperque Virginis Mariæ de monte Carmeli, huiusmodi infestis, Nativitatis Dominicæ, Paschæ, & aliis, quæ enumerantur omnino sedecim, & quidem cum suis octavis, devote visitaverint & pia elemosina largiti fuerint, seu domos confratras ejusdem Ordinis refecerint, septem annos & duodecim quadragenas concessit. Atque hæc est continentia sive synopsis Bullar, quæ Leonis IV tribuitur: post quam recensentur nominatim, cum suis Continentiis, alii Pontifices, numero viginti tres; expressis etiam Indulgentiis, quas, quales, quibus, & cur, singuli concesserint: dicunturque Pontifices etiam illi, qui annis Christi 816, 868, 912 & 931 sederunt, tertiam partem omnium peccatorum in Domino relaxasse, & relaxasse iis quoque, qui Confratriam Ordinis Carmelitarum assumerent & eam intrarent. Ultimus Pontificum nominatur Nicolaus V, qui omnes Indulgentias, à decessoribus datas, motu proprio duplicando confirmavit: mortuus anno 1455, sedecim non amplius annis ante creationem Sixti.*

87 *Finita Continentia à Martignono*

allatâ; progreditur Sixtus ex ejusdem allatâ Martignoni narratione : *Tamen*; quia (sic præfati Christophori Generalis relatione nuper accepimus, pro eo quod propter singularitatem privilegiorum, originales litteræ ad manus Generalis prædicti non pervenerunt, nec de illis aliter, quam ut præfertur; doceri potest) circa litteras & privilegia hujusmodi, eorumque vim & efficaciam, nonnulla dubia sunt exorta, aliaque indes suboriri formidantur; nisi per nostra providentia studium super hoc provideatur opportune. Cupientes itaque ut Indulgentiæ & singula Prædecessorum nostrorum litteræ, dicto Ordini ac ejus domibus & ecclesiis concessæ, sublati quibuscumque hesitationum obstaculis, inviolabiliter observentur, eisque, prout concessa dicuntur, indubia fides adhibeatur, devotioque populi etiam augeatur, atque dicti Ordinis ecclesiæ, domus ac conventus conserventur, edificentur, amplientur motu proprio non ad ipsius Martignoni, aliorumve instantiam; sed de nostra mera voluntate ac deliberatione, & ex certa nostra scientia, singulas Indulgentias ac alias spirituales & temporales gratias, à prædictis, seu aliis quibuscumque Romanis Pontificibus dicto Ordini ac ejus personis in genere vel specie quomodolibet concessas auctoritate Apostolica tenore præsentium in suo robore suæque firmitate confirmamus, approbamus & innovamus, ac de novo concedimus, suppletes omnes & singulos defectus, si qui forsitan quoquomodo intervenierint in ipsam.

88 Hactenus Bulla: quæ ut nunc cedatur vere data fuisse à Sixto IV; quod difficile persuasum erit, propter nonnulla, jam indicata & porro indicanda: quia scilicet tam ipsa quam præcedens prolixa Bulla Sixti, intra menses quinque data, sub eodem principio atque exordio toto (quod plane inusitatum est) & sub eadem clausula extant: quia licet cetera dissimillima sint inter se, dicuntur tamen am-

bæ ab eodem Martignono Generali rogatæ, & ab eodem Pontifice concessæ: quia nullus indicatur locus, unde posterior Bulla sit extracta; aut ubi originale ejus vel legitimum exemplar inveniatur aut inventum sit; quemadmodum indicatur de Bulla priore apud Rodericum. Maxime autem difficile reddit creditu, Bullam posteriorem, Sixti esse, quod tot nominatorum in Continentia Pontificum nulla Bulla asserti potuerit à Martignono Generali, ex totius Ordinis Carmelitani archivis: quodque Cancellariâ Apostolicâ diligenter inspicere & excuti curatâ à Sixto, totque inventis aliorum Ordinis Carmelitani privilegiorum litteris Pontificiis, quot videre est impressas in prima Bulla, etiam ab Innocentio IV & Alexandro IV, amplius ducentis ante Sixtum annis datas, quarum aliquæ jam coeperant vestigare consumi; non prodierit vel una sola illarum omnium, quæ in prædicta Continentia asseruntur à tribus & viginti Pontificibus, variis successive temporibus, datæ; quod denique nulla ibi sit reperta Bulla saltem alicujus Indulgentiæ Carmelitis concessæ ab aliquo eorum Pontificum, qui propius ad ætatem Sixti accedunt, puta Joannis XXII, Urbani V & Nicolai V: quorum ultimum annis non amplius sedecim Pontificatum Sixti IV præcessit.

89 Ut tamen hæc aliisque nihil obstantibus, vere data fuerit Bulla etiam ista à Sixto IV; quid, quæso, per illam Sixtus concedit? An testatur, Leonem IV, ceterosve enumeratos Pontifices, indulgentias, ipsis illis attributas, vere concessisse; aut litteras eorundem, de quibus in Continentia, vere extitisse aliquando? Minime vero. Cum enim aliunde Sixto nihil constaret de ejusmodi litteris, aut Indulgentiis; ac Martignonus ipse fateatur, originales litteras ad manus suas non pervenisse, ne quidem illas, quas Nicolaus

laus V ante annos solummodo viginti diffuset neque de illis aliter, quam ut praefertur in Continentia, doceri poterit Pontifex; consequens est, quod Continentia illa aliud non sit, quam compendium, ut dixi, aut synopsis praetensarum Bullarum, relata ad faciliorem fidelium usum in publicas tabellas, quae in Ordinis ecclesiis appensae reperiebantur: quemadmodum etiam nunc obtinet in variis ecclesiis. Scientibus porro nobis huiusmodi tabellas, alibi quidem exhibere Indulgentias certas, alibi minus certas, alibi vero plane falsas, &c. numquam à Pontificibus, quibus tribuuntur datas; ut invictissime demonstrari potest; quid, quæso, superest, ex quo Sixtus scire aut prudenter testari potuit, quod dicitur de existentia Bullarum ipsarum & concessione Indulgentiarum? Nihilominus, ipsum non solum ita testari, sed ex certa testari scientia, sustinere pergunt Carmelita.

90 Ego dico, nihil huiusmodi testari Pontificem, quia nihil huiusmodi testari poterat prudenter, ut patet ex dictis; nedum poterat ex certa scientia testari. Totum quod intendit Pontifex per Bullam suam est dubia & contentiones, circa literas & Indulgentias, quæ in Continentia à Leone IV & successoribus ejus dicuntur datæ fuisse; ac præcipue circa eandem vim & efficaciam ortas, tollere &c, ne in posterum orientur providere: id autem obtenturum se putat, declarando, Indulgentias, ibi relatas, aut fuisse jam certas; aut certas nunc à se reddi, sive datæ fuerint à Pontificibus, in Continen-

tia relatis, sive à quibuscunque aliis; parum scilicet curans, à quo datæ aut non datæ fuerint; sed solum curans, ut certæ sint aut fiant ad spirituales fidelium consolationem; ideoque non vult litteris prædictis fidem, indubiam adhiberi, prout concessæ fuerunt in se; sed prout concessæ dicuntur à Martignono, quo ad effectum Indulgentiarum obtinendum. Ac tandem motu proprio atque ex certa sua scientia, auctoritate Apostolica confirmat, approbat, & innovat, ac de novo concedit; Quid? Non literas, tamquam, à tali vel tali datas; sed singulas Indulgentias ac alias spirituales & temporales gratias, à prædictis, seu aliis quibuscunque Romanis Pontificibus, Ordini Carmelitarum ac ejus personis, in genere aut specie, quomodolibet concessas.

91 Ex hæcenus dictis patet 1, incertissimum esse, an Sixtus hanc Bullam dederit umquam. Patet 2, nullam ipsam Bullam agnovisse, nedum confirmasse, tamquam vere datam à Pontificibus quibus illæ in Continentia adscribuntur. Patet 3, ipsum tantummodo confirmasse, aut potius pro incertis quorumcumque domum Pontificum, certas ex plenitudine potestatis suæ concessisse Indulgentias, ut tolleret dubia circa vim & efficaciam eorum, jam tum orta atque oritura deinceps: præterea, ut sic augeret devotionem populi, parum curantis à quo concessæ fuerint Indulgentiæ, dummodo certæ sint, quas lucrari intendit; cumque per illas animaret ad Ordinis Carmelitani ecclesias, domos & conventus conservandos, adificandos, restaurandos.

§. X. *Indulgentia, in prædicta Bulla relatæ, apocryphæ; uti
& ipsa Bulla.*

P Atebit nunc quarto, ipsam Continentiam sive synopsim Indulgentiarum, in prædicta Sixti Bulla relatam, mendacem esse totam; numquam Sixto visam, numquam visam Martignono: & horum tempore nequam potuisse receptam fuisse in domibus Carmelitarum, aut publicis scripturis protulisse in ecclesiis Ordinibus. Ex quo sequatur, non fuisse ipsam à Martignono oblatam Sixto, aut ab hoc confirmatam; sed posteriori tempore ab aliquo, Indulgentiarum, quas in Mari magno, seu prima Sixti Bulla, paucas inveniebat, & antiquitatis cupido, sub utriusque nomine priorisque Bullæ principio & clausula confictam esse.

93 Primo enim, si recepta fuit Continentia ista in Domibus & prolitit in ecclesiis Carmelitarum, quando ipsam obtulisse dicitur Martignonus Pontifici Sixto; debet cœpisse illic recipi & proflare intra viginti circiter annos ante pontificatum Sixti; quia in illa fit mentio litterarum & Indulgentiarum, à Nicolao V concessarum. Nicolaus autem obiit anno 1455, ut diximus, annos sedecim ante pontificatum Sixti, anno 1471 creati. Nunc quæro, an is qui Continentiam prædictam intra illud spatium temporis concinnavit, habuerit Bullam seu litteras Nicolai & decessorum ejus Pontificum, in Continentia nominatorum; an non habuerit. Si non habuit; quam fidem merebitur Continentia, non nisi ex mendacis vani alicujus cerebri confuta tota? Si vero habuit litteras; quomodo aut quo fato (cum aliquæ illarum jam tunc extitisse debuerint annis 560 & 600) tam exi-

guo annorum viginti aut sedecim aut pauciorum spatio, intereiderunt omnes, ut nulla prorsus inveniri aut à Martignono Generali, aut à Sixto Pontifice potuerit?

94 An vero etiam, tum is, qui Continentiam contraxit ex Bullis; tum alii, qui cum ipso vixerunt, & Bullas saltem aliquas viderint, aut per alios aliquam earum notitiam acquisiverint; intra viginti annos mortui sint omnes; ut de illis quod aliquando extiterint, nemo testari potuerit; ne quidem ipse Martignonus, qui saltem adhuc supererat, atque ut minimum viginti annis in Religione sua vixerat, jam Generalis? Et tamen testari non potuit se ullam nominatarum Bullarum vidisse, aut ab aliquo visam esse intellexisse. Sane aliter se de illis doceri non potuisse, ait Pontifex, quam ut præfertur ex vaga relatione nihil affirmantis Martignoni, & porrigentis Continentiam, nihil per se docentem de Bullis, an aliquando extiterint, an extiterint numquam: imo nihil docentem de se ipsa quando facta sit, aut à quo; nisi quod circumstantiæ jam consideratæ & porro considerandæ palam indicent, ante Pontificatum Sixti IV & generalatum Martignoni factam non fuisse, sed sub utriusque nomine postea esse fabricatam.

95 Atque hæc circa Nicolai, ul' imo in Continentia relati Pontificis, litteras & Indulgentias; quæ, si minus extiterunt aut datæ fuerunt umquam, potuerunt tamen existere ac dari: ut primorum ibidem relatorum litteræ atque indulgentiæ tantum abest, ut extiterint vel datæ fuerint aliquando, ut ne potuerint quidem

dum existere aut dari tunc temporis sub tali forma ac modo, sub quali dicuntur extitisse ac data fuisse. Continentia Quippe quatenus exhibet litteras Leonis IV, ait, ipsum concessisse Indulgentias, qui aliunde non scitur ullas umquam Indulgentias concessisse: concessisse autem *septem annorum & duodecim quadragesimarum*, qui modus concedendi, & concedendi tam largas, vix tribus post seculis obtinere cœpit in Ecclesia: concessisse porro *visitantibus ecclesias beatissime Virginis Mariæ de monte Carmeli*; licet seculo decimo tertio titulo, *B. Virginis Mariæ de Monte Carmeli*, primum innoverit mundo, per Pontificem Innocentium IV, in publicis Pontificum, imo & privatis aliorum scriptis concessisse præterea in talibus aliquot festis eorumque Octavis; quæ tempore Leonis, saltem cum Octavis, sciuntur instituta non fuisse: concessisse etiam pro talibus festis, quæ nihil commune habent cum Ordine Carmelitano, ut sunt SS. Fabiani & Sebastiani, SS. Petri & Pauli, Inventionis & Exaltationis sanctæ Crucis: concessisse denique indulgentias prædictas *omnibus ecclesiis Carmelitani Ordinis* in festis titulorum suorum; cum tamen neque ecclesia ulla Carmelitana, neque ullus titulus, qui tempore Leonis aut tribus post seculis fuerit; proferri possit. Neque id mirum; cum ne quidem ullus proferri possit pro illo tempore Carmelita Religiosus; & nullum fuisse, doceant omnia, quæ hic & in Vera origine ac alibi disputavimus: contra quæ, hæc supposita Leoni bulla evincere nihil quidquam valebit apud sanctum intellectum.

96 Non scitur Leo IV ulli umquam Indulgentias concessisse, sive altari, sive ecclesie, sive monasterio, seu festo dedicationis, seu publica necessitate, multo minus festis aliquibus diebus per

annum nedum tam multis ut enumerat Continentia. Quia apud Anastasium, Leoni contemporaneum ac Romæ præsentem, ejusque Vitæ prolixissimæ simul & accuratissimæ scriptorem: in qua minutissimæ quævis ipsius actiones præ, ac beneficia templis, facellis, altaribus, monasteriis, Religiosis collata, recensentur propemodum infinita, nullos omnino uspiam ulli legitur indulgentias concessisse Leo, nedum tali concessisse modo & tam largas; uti prætenditur concessisse ecclesiis B. Mariæ de Monte Carmeli & Carmelitarum; quorum aut nomen, aut templum, aut indicium nullum invenire est in prædicta Leonis Vita aut alibi, ex quo suspicari quis possit, tunc fuisse in mundo Carmelitas.

97 Eadem Continentia Indulgentiarum, Leoni IV attributarum, illas concedit, ut dixi, *visitantibus ecclesias beatissime Dei Genitricis semperque Virginis Mariæ de monte Carmeli*. Constat autem, ante seculum 13 nulli hominum in mentem venisse, templa, congregationes aut personas ullas insignire titulo, *Beate Mariæ de monte Carmeli*, tunc denant inducto in mundum, quando Latinis seculo 12 Terram sanctam possidentibus, confluentes eo devotionis aut voti causa ex tota Europa peregrini; variis ibidem locis, à Viatrico indicatis, eremiticam vivere vitam cœperunt, etiam in Carmelo. Hi autem, qui in Carnelum concesserant, propositis sibi ad imitandum Eliæ Prophetæ virtutibus, eodem in loco, sibi ipse olim moratus fuisse creditur, ad *Fontem Eliæ* dictæ, præ ceteris famâ religiois observantiz & numero personarum aucti, suo initium seculi 13 petierunt sibi aliquam vivendi Regulam ab Hierosolymorum Patriarcha Alberto, & acceperunt, inscriptam *Fratribus juxta Fontem in monte Carmeli morantibus*; ut-

pote sub alio nomine nondum notis.

98 Sub eodem nomine ac titulo; & non alio, paucis post annis Carmelitas in monte Carmeli describit Vitriacus in sua Historia orientali, oculatus testis; ipsumque eorum locum *juxta Fontem*, certiori aliquo indicio designaturus, ait; situm esse *non longe à monasterio Beata Virginis Margaritæ*. Ex quibus conjicere licet (ut hoc obiter observem) Fratres illos tunc nondum habuisse templum proprium aut aliud ædificium, vulgo notius, quam erat ipse locus ad Fontem; latentes scilicet adhuc in *alvearibus medicarum cellarum suarum*, ubi *tamquam apes Domini dulcedinem spirituales mellificabant*; ut ait idem: Vitriacus: qui etiam satis indicat, Fratres illos ecclesiam tunc sub nomine B. Mariæ Virginis nondum habuisse: quia enumerans multas, variis locis ei dicatas; puta, S. Mariæ Monialium, S. Mariæ in Bethleem, S. Mariæ in Latina, prope sepulchrum Domini; S. Mariæ Teutonicorum in Jerusalem, nullam novit S. Mariæ in Carmelo; utique illam expressurus potius quam *beata Virginis Margarete*, si quam prope Fontem tunc habuissent Eremitæ illi.

99 Post hæc tempora superior istorum Eremitarum cæpit Prior vocari Honorius enim Papa III, Regulam Alberti anno 1226 approbans, Constitutionem suam inscribit *Dilectis filiis Priori & Fratribus Eremitis de monte Carmelo*. Similiter Gregorius IX confirmans anno 1230 eandem Regulam, agnoscit *Priorem & Fratres eremi montis Carmeli*. Nondum tamen novit Priorem *Generalem*, aut Fratres *B. Mariæ de monte Carmeli*. Utrumque inscriptionis augmentum primus, quod sciam, addidit litteris suis Innocentius IV, scribens, anno quidem 1245. *Dilectis Filiis, Priori & Fratribus Eremitis B. Mariæ de monte Carmeli*; anno autem 1246 *Dilectis filiis, Priori Generali & Fratribus Ordinis*.

gloriosissima Dei genitricis semperque Virginis Mariæ de monte Carmeli. Atque hunc inscriptionis modum perpetuo tere secuti sunt deinceps summi Pontifices, appellantes Priorem *Generalem*, & Ordinem *gloriosissima Dei genitricis semper, Virginis Mariæ de monte Carmeli*. Alii subinde, amplificato magis Ordine, addiderunt inscriptioni etiam *Provinciales ceterosque Priores*. Natus igitur sub Innocentio IV, quatuor seculis post Leonem IV sedente, titulus Ordinis *B. Mariæ de monte Carmelo*, quo pacto adhiberi potuit ab eodem Leone?

100 Inter festa, quibus Indulgentiæ concessæ fuerint à Leone, enumerantur aliqua, de quibus aliunde non constat in Ecclesia universali tunc celebrari solita fuisse; multo minus quod celebrata fuerint cum suis Octavis cum quibus ne nunc quidem celebrantur; qualia sunt festa Annuntiationis & Purificationis B. V. Mariæ, sanctæ Crucis, S. Michaelis Archangeli & alia. Enumerantur etiam festa Sanctorum, qui nullam singularem connexionem cum Ordine Carmelitarum, ut supra vidimus, umquam habuerunt aut habent; præ innumeris aliis, quos nunc prætendunt Ordinis sui olim fuisse & pro talibus nunc habent. Hujusmodi sunt SS. Telephorus ac Dionysius, Romani Pontifices; SS. Joannes Chrysostomus, Basilii Magnus, Gregorius Nazianzenus, Ecclesiæ Doctores; S. Cyrillus Patriarcha Alexandrinus &c. Quanto convenientius Ecclesiis Carmelitarum concessæ fuissent indulgentiæ pro talibus ipsorum festis, quam pro festis alienis, S. Michaelis SS. Fabiani & Sebastiani, Inventionis & exaltationis sanctæ, Crucis &c?

101 Denique quomodo ecclesiis Carmelitarum, quæ nullæ erant tempore Leonis, ut satis jam declaravimus, concedi ab ipso potuerint Indulgentiæ? Ignoti usque ad seculum 12 fuerunt Carmeli-

te ipsi quomodo notæ fuerint seculo 9 Carmelitarum ecclesiæ? Anno 1216 invenit Vitriacus Carmelitas adhuc in cellulis suis juxta Fontem in Carmelo: alibi non invenit. Meminit multarum ecclesiarum Virgini Mariæ Sanctisque aliis saceratarum; non meminit ullius ecclesiæ Carmelitanae, aut Virginis Mariæ de monte Carmelo. Multo minus meminit trecentis ante annis, aut novit ejusmodi ecclesiæ Leo IV, aut Anastasius in vita ejus: & tamen tam multis eorum imo omnibus, in festis Titulorum concessit indulgentias. Ex consideratis hæcenus circumstantiis facile cuivis erit intellectu, apocryphas esse litteras atque Indulgentias quæ ultimo & primo loco relatis in Continentia Pontificibus, Nicolao V., & Leoni IV supponuntur. Quid modo: de intermediis?

102 Ut millos faciam nominatos illic Honorios IX & X, qui numquam fuerunt alioque, solummodo notare volo, quod ibi Pontifices plures seculi 9 ac 10 dicantur Indulgentias tribuisse *assistentibus & intrantibus Confratrum Ordinis Carmelitarum*. Quam, quæso, Confratriam tunc habuit ordo? An scapularis? Sed illa à S. Simone Stochio seculo 13 initium habuit. Aliam mihi assignent oportet, qui credi volunt, Ordinem, antequam ipse creditur fuisse in mundo, habuisse Confratriam. Quas autem & quantas Indulgentias Confratribus illis concedunt dicti Pontifices? *Tertiam partem relaxant omnium peccatorum*. Et ante ipsos Leo IV largitus fuerat, ut vidimus, indulgentias *annuorum septem & quadragenarum triginta*. Confer hanc largitatem Indulgentiarum pro seculo 9, cum aliis quæ datæ fuerunt seculo 12 ac 13: vix ullibi tam amplas hic reperis. Certe Innocentius IV anno 1245 apud Lezanam ad hunc annum (& has

re concessas) opera caritatis (qualia fere etiam à prædictis requiruntur) facientibus *de injuncta sibi penitentia misericorditer relaxat dies dumtaxat decem*; requirens insuper ad obtinendam relaxationem tam parcam, ut *vere penitentes & confessi* antea fuerint, quod alii Pontifices non præscribebant. Seculo igitur 13 requiritur, præter cetera, ad obtinendas Indulgentias, vere penitentis confessio, ut decem dies de injuncta penitentia relaxentur, qui est usitatissimus illorum temporum in similibus concessionibus loquendi modus: & dudum antè, septem anni & triginta quadragesimæ; nec non tertia pars peccatorum omnium relaxata fuerit sine penitentia & confessione?

103 Adde etiam, quod inter quinquaginta Bullas plurimorum Pontificum, priori Sixtinæ insertas, nulla inveniatur antiquior Pontificatu Alexandri IV & Innocentii IV, qui ab an. 1243 usque ad 1261 Ecclesiâ rexerunt. Horum autem duorum Bullæ inveniuntur illic omnino decem, tres Innocentii, & septem Alexandri. Quid hoc? Inter tot litteras & privilegia Carmelitum concessa tam liberaliter à Pontificibus Romanis, nulla omnino invenerit Sixtus in Cancellaria, aut alius quivis alibi, ante seculum 13 data? Nulla. Unde conficias licet, privilegia Indulgentiarum, quæ in Continentia Sixtinæ secundæ inserta, referuntur, tamquam seculo decimo à Joanne X atque XI, & à Sergio III; seculo nono à Stephano V, Adriano II & Leone IV, data, omnino nulla esse, & fuisse semper. Imo ex eo, quod nemo datarum Carmelitis ante seculum 13 invenerit Bullam Pontificiam hæcenus; datas autem seculo 13 & sequentibus protulerit Sixtus alicue plurimas; colligi datur Carmelitarum Ordinem religiosum, ante se-

ginitate loci remotior fuerit, seu quod nihil memorabile gesserit quo innotesceret; seu utroque ex capite.

104 Quid enim? Si seculo 12, 11, 10 & præcedentibus Ordo Carmelitanus jam fuit in mundo, & notus fuit Pontificibus Romanis, quam fuit seculo 13 & sequentibus: cur Pontifices non æque duodecimo seculo, quam decimo tertio, ipsi Bullas saltem aliquas concesserunt? Si respondere ausis, intercidisse omnes seculo 13 priores; nullus credit hoc respondentem, nisi existisse prius monstraveris indicio aliquo: prius quippe est esse, quam intercidere: & qui asserit intercidisse; asserit re ipsa fuisse id quod probandum est. Quid est autem cur potius interciderint Bullæ, ante initium seculi 13 quam paulo post illud datæ? Certe tam conservatæ sunt quæ ante initium seculi 14 datæ fuerunt, quam quæ fuerunt datæ paulo post. Aliud igitur nihil rationalis responsi afferendum existimo, quam quod tam ante quam post initium seculi 14, uti etiam post initium seculi 13, fuerit Ordo in mundo, & fuerit præstare gestis Pontificibus notus: ante initium vero seculi 13 vel non fuerit adhuc in mundo, vel non fuerit adhuc notus Pontificibus.

105 Jam nulli mirabile videbitur, circa litteras Apostolicas atque Indulgen-

tias, in Continentia memoratas, earumque vim & efficaciam, nonnulla dubia fuisse orta, tempore Martignoni; ac timendum fuisse, ne alia in dies suborirentur; quando tot dubitandi & Continentiam reprobandi causas ipsa Continentia continebat; & cuius, non plane stipiti, ponebat ob oculos: si tamen dubitari tempore Martignoni potuit circa vim & efficaciam litterarum Apostolicarum, quas ne in Continentia quidem tunc extitisse, credibilis est ex jam dictis. Ergo nullas Caracitæ habent Indulgentias, de quibus in Continentia? Habent enim vero: non quidem in litterarum Leonis IV & aliorum illie nominatorum, quæ nullæ umquam fuerunt; neque vi ipsius Continentiæ; quæ nullas per se Indulgentias conferre potuit: neque etiam vi Bullæ Sixtinæ, cui Continentia inferitur, si Bulla ista Sixto supposita fuit: sed vi Bullarum, quibus successores ejus, Romani Pontifices, eandem Bullam, à Sixto, ut relatum fuerat; datam, nova sua & vere Apostolica Bulla confirmarunt, approbarunt, & innovarunt id, quod in Sixtina concessum dicebatur, ac de novo concesserunt, suppletentes omnes & singulos defectus, si qui forsitan quomodo intervenerint in Sixtina & in illis relatis.

§. XI. Chronologia Ordinis Carmelitani à Propheta Elia usque ad Christum.

Diximus in præmissis, plurima tradi à PP. Carmelitis circa originem & successorem, iusto antiquiorem, sacri Ordinis sui, quæ incertissima sunt, & negata probari non possunt. Diximus etiam quod res, quæ esse potuerunt in mundo, sint plurimæ ac numero infinitæ: quæ autem fuerunt de

facto, esse respectu illarum paucas. Ex quo sequitur, quod is, qui interrogatus, an aliquid fuerit, de quo dubitat; prudentius neget quam affirmet. Quia illorum, quæ non fuerunt, numerus longe major est, quam quæ fuerunt; atque adeo dubitanti credibilis esse debet, non fuisse quam fuisse; & possessio stat primo,

ORDINIS CARMELITANI.

33

primo, quamdiu non probatur secundum. Hæc autem probatio incumbit affirmanti aliquid fuisse; & in casu præsentis incumbit PP. Carmelitis, innumerabilia de origine & successione Ordinis sui affirmantibus, de quibus merito dubitatur ab aliis, an fuerint. Porro negantibus aliquid fuisse, succedere non debent affirmantes, quamdiu rationes non attulerint, quæ movere virum prudentem possint ad assensum. Eæ vero rationes in questionibus puri facti, non tam peti debent à subtilibus Theologorum ratiociniis, quam à proborum historicorum testimoniis, tanto certius aut minus certo probaturis aliquid, ceteris paribus; quanto minus magisve tempore & loco remota fuerit, qui testatur à se testata. His positis, procedamus ad Chronologiam.

107 Seculo igitur ante Christi nativitatem decimo, sive ab anno 1000 usque ad annum 900, vixit, floruit, multaque mirabilia operatus, tandem raptus est cum igno Elias à conspectu hominum: uti legitur in Libris Regum. Sed nihil ibi de instituto per Eliam Ordine religioso; nihil de votis paupertatis, castitatis, obediendiæ, & sive ab ipso, sive ab aliis coram ipso emissis; nihil de successore ejus in regimine religiosi Ordinis; nihil de regula, habitu, aut tessera, quibus uniformiter inter se viverent subditi Religiosi, & distinguerentur ab aliis. Hæc eadem porro cum ne somniaverit quidem ullus, ab Elia usque ad Christum; nec admisit aliquis Sanctorum Patrum

ostenderit aliquis; ignorem mihi, Reverendi Patres, quod credere nondum possim, fuisse, quæ votantopere optatis, quæque ego vellem (ita me Superi adjuvent) posse credibilia facere. Sed hoc non est in potestate voluntatis meæ; uti assentiri, non est in potestate intellectus, nisi prælucentibus idoneis rationibus.

108 Seculo ante Christum nono; sive ab anno 900 usque ad 800; floruit Eliæus, ab Elia unctus Propheta post ipsum, nusquam ab eo institutus Ordine religiosi Generalis, mortuus anno 849. Vota etiam hic requiro religiosa, ubi, quando, quomodo, cum quibus illa professus fuerit: quos Religiosos, talia vota professos, voverit. Filii quippe & cuncti Prophetarum, à Samuele jam tum in collegia distributi, nihilominus Religiosi per tria vota non erant; neque facti sunt tales, ulli ex ipsis, decursu trium seculorum sequentium: sub Elia vero & Eliæo nihil amplius indicat Scriptura, ex quo consticiatur, eorum aliquos, nedum omnes, tum potius quam antea evasisse Religiosos aut vota aliqua professos esse. Quamobrem, ignorem mihi iterum, Reverendi Patres, quod neque hic cogere intellectum possim, ut vobis assentiatur, testimonia solummodo posteriorum temporum afferentibus, aut alia ad id suadendum non idonea.

109 Neque magis idonea afferuntur ad suadendum, Rechabitas, hoc seculo Filiis Prophetarum succedentes, magis quam istos, sese obstrinxisse tribus Reli-

Prophetarum, viventem. Nescitur quis Rechabitas & Filios Prophetarum, dissimilium inter se institutorum, in unam congregationem affociaverit; eamque Elianam aut Propheticam potius, quam Rechabiticam putaverit appellandam: cum tamen ipsi Rechabitz, post annos ab institutione sua facile centum & quinquaginta, apud Jeremiam nullum agnoscant alium seu Institutorem, seu Patrem, sive Ducem, quam Jonadab, filium Rechab; nec usquam ad Eliam, aut Eliseum, aut Filios Prophetarum referant sese.

110 Seculo ante Christum octavo, sive ab anno 800 usque ad 700, nulli indicantur amplius Filii Prophetarum in facris Litteris ante Christum. Perseverant autem Rechabitz: sed nullus invenitur se votis obstrinxisse religiosis inter illos, seu pater, seu mater, sive filius, sive filia: nullus etiam innotescit ipsorum Superior.

111 Seculo ante Christum septimo, sive ab anno 700 usque ad 600, Rechabitz, hæcenus ruri sub tabernaculis, juxta institutum suum, morati, propter bellum, à Nabuchodonosore illatum, recipiunt se in civitatem Jerusalem: nihilo tamen magis fiunt Religiosi aut vota profitentur, quam prius. Igitur vel interrupta fuerit successio Ordinis Eliano-religiosi; vel monstrandi sunt, quicquid per vota religiosa continuaverint.

112 Seculo ante Christum sexto, sive ab anno 600 usque ad 500, idem saturi est Ordinis Eliani, quod supra: defecisse enim successio ejus censetur, nisi aliunde ostendatur continuata esse.

113 Seculo ante Christum quinto, sive ab anno 500 usque ad 400, deficientibus Rechabitis substituuntur Esseni, potius, ut non interrumpatur successio, quam quod probetur, ipsos hoc tempore

cœpisse aut in mundo fuisse. Sunt interim moribus legibusque, quantum sciri potest, tam dissimiles Rechabitis, quam sunt similes Pythagoreis, ut supra vidimus: ac nihil fere certius de iis constat, quam quod vota religiosa non fecerint; certe nusquam ostendi poterunt ea fecisse. Loquor de Essenis antiquioribus, de quibus Plinius: Esseni enim; de quibus Philo, ab illis diversissimi, hæc tempora non attingunt. Requiro etiam institutorem eorum, & nulum invenio, nisi forte Pythagoram, de quo supra.

114 Hoc eodem seculo ab aliquibus in subsidium successione advocantur sectæ Scribarum & Assidarum; eorumque *Princeps & Restaurator & Caput* Esdras, *vir eximius & clarissimus*, & *Propheticus Ordinis affecta*, uti scribit Lezana ad annum mundi 3595 num. 2: quia nempe appellatur in Scripturis *Propheta & Scriba*. Imo, inquit, cum de ipso non referatur uxorem vel filios habuisse, conjici datur, calibem fuisse; ac per consequens, proprium & intimum ad idem Prophetarum, quod est Camelitarum veteris Legis institutum pertinuisse, quam alios, qui calibres non fuerunt. Sed hæc omnia nullam professionem votorum religiosorum indicant. Quapropter tam diu negabimus, Esdræ cum suis Scribis atque Assidarum Religiosum fuisse, quamdiu aliunde non probatur fuisse. Interim uti mihi liceat eadem argumentandi formam ad ostendendum, Esdræ non fuisse Carmelitam, quæ utitur Lezana ut eum faciat talem. Cum de Esdra non referatur emisisse vota religiosa, conjici datur non fuisse Religiosum; & per consequens ad Carmelitarum institutum religiosum neutiquam pertinuisse.

115 Seculo ante Christum quarto, sive ab anno 400 usque ad 300, continuaverint Ordinem Eliano-religiosum quotquot

ORDINIS CARMELITANI.

35

ex Pythagoreis, vel Essenis, vel Assidæis, vel Scribis, probati fuerint vitam religiosam cum obligatione trium votorum duxisse: sed prius probandum erit talem vitam duxisse aliquos eorum, quod modo negabam.

116 Seculo ante Christum tertio, sive ab anno 300 usque ad 200, primum adducit P. Sebastianus Assidæos, de quibus supra Lezana: ego ad seculum sequens referendos puto. Sed militares hi fuerunt; atque adeo nisi Ordo Elianus etiam militaris sit factus, cum ipsis, non capio qui continuaverit in ipsis successionem suam; si vero factus sit militaris; non capio qui manserit ordo idem, qui fuerat: ut nihil de votis Assidæorum requiram.

117 Seculo ante Christum secundo, sive ab anno 200 usque ad 100, innotescitibus nunc primum, ut ego quidem arbitror; & successionem Carmelitarum in se propagantibus Assidæis, præficitur Judas Machabæus, in paucis laudatissimus Lezana, *Prophætiæ Ordinis alumnus*, imo potius Dux & Imperator, uti patet ex libris Machabæorum. Ego ubi tria eum vota emisse doctus tuero, quod fortassis facere potuerit ante matrimonium quo copulatus fuit, agnoscam Religiosum veteris Testamenti fuisse.

118 Seculo ante Christum primo, sive ab anno 100 usque ad salutarem ejus Nativitatem, summo in pretio est Patribus Carmelitis Emerentiana quædam, Christi Domini nostri proavia, avia sanctissimæ Virginis Mariæ, & mater S. Annæ; quæ,

dubia, an virginitatem Deo voveret, an vero ex voluntate parentum viro nuberet, in Carmelum concessit, ibique consuevit Religiosos *Carmelitus*; quid sibi secundum Deum eligendum foret; ab iisque divinitus edoctis intellexerit, se viro jungendam, nomine Stolano. P. Sebastianus etiam *sanctam* facit Emerentianam illam, licet nullis Græcorum Latinorumve fastis adscriptam. Ego saltem prius quam ipsam canonizarem, certius edoceri vellem, in mundo fuisse, quam ex auctoribus, prædicta referentibus quidem, sed non ante finem seculi post Christum decimi quinti. Vellem etiam prius aliunde edoceri, an & quales tunc, tam sanctæ tamque viri Carmelum incoluerint; priusquam credere cogar famâ illâ excitatam Emerentianam eo se contulisse teneram virginem. Imo singulis seculis Chronologiæ ab Elia huc usque, & porro usque ad seculum Christi 12, interrogare debuissim; & nunc interrogo, quinam & quales pro singulis Carmelum incoluerint post Eliseum. Profecto si post Christi natiuitatem, non plures illic successive monstrari possint incolæ, vulgo religiosiores quam illic incoluerint ex supra nominatis sectis Rechabitarum, Essænorum, Assidæorum (de Pythagoricis non loquor, quorum institutor saltem vidisse Carmelum & aliquandiu ibidem moratus esse, scitur aliunde) paucissimi monstrari poterunt, qui ex monte Carmelo ad Chronologiam Carmelitanam continuandam traducantur.

ditione fidei adjutore futuros, quam quovis alio in loco: & magis mirum videri possit, quod montem istum nunquam visere per se suosve, imo ne nominare quidem toto Testamento novo dignatus sit. Cumque nec aliunde monstrari possit, diu ante & post Nativitatem Christi montem Carmelum incoluisse viros religiosos, tria substantialia professos vota; quærere ipsos alibi debet, qui cupit Carmeli Ordinis invenire successiorem non interruptam.

120 Pro seculo igitur post Christi natiuitatem primo, quærunt sibi PP. Carmelitæ annis abhinc tantum quadringentis, non prius, imo præcipue ab annis ducentis tantum, post Palæonydorum suum; & inuenisse credunt veros Ordinis sui Religiosos, sed extra Carmelum, 1. In Joanne Baptista ad Jordannem, quasi fuerit is Essenus, & Essenorum restaurator & rector atque adeo Carmelita. Sed nemo Sanctorum Patrum pro tali eum admittit aut agnoscit 2. In viris religiosiis, qui, Aëtorum 2, habitabant in Jerusalem Judæi; quasi vox religiosiis, ibi hominem denotet votis religiosiis adstrictum, magis quam vox honestus, discretus, timoratus; quæce iudeorum. 3. In Prophetis & Viris Prophetici Ordinis Antiochiæ, ex Actis Apost. & Eusebio, male intellectis. Quod si hic etiam scripsisset, *talis Ordo*, non potuisset tamen vox illa tunc sumi pro Communitate religiosâ, ut nunc sæpe. 4. In S. Elpidio aliisque primis Hispaniæ Episcopis, eò S. Jacobum comitatis; & in S. Leocadia; quos Lauprandus in Fragmentis suis faciat Carmelitas. Sed exstantur fragmenta illa recentia. 5. In Basilide, olim Genetili aruspice, apud Tacitum & Suetonium; quem in Monte Carmelo Vespasianus Imperator, Hierosolyma obsessurus, forte consulere iussit de belli exitu

Sed is ideo potissimum nunc factus est Carmelita religiosus & Sacerdos veri Dei; ne nullus toto primo Christo seculo Carmelita in Carmelo fuerit.

121 Inueniendi sunt falkem Carmelitæ in Sacello, quod ipsi tempore Apostolorum in Carmelo construxerunt in honorem B. Virginis Mariæ, cum adhuc viveret; ad quod sæpe quotidie conueniebant ad ei laudes decantandas; quamobrem passim ab omnibus appellari ceperunt, Fratres B. Mariæ de monte Carmelo. Ita P. Sebastianus Art. 16 n. 39 ex traditione Carmelitana. Sed aut impii fuerint Carmelitæ isti, qui viventi adhuc homini Cælitum honores præstiterunt, ædificando ei sacellum; aut ignorantés quam maxime, qui id sibi licere auctoritate sua arbitrati sunt: & alterutrum competit hodie illis, qui talibus decessorum suorum gestis gloriantur. Sacellum interim illud evanescit cum fundatoribus suis ceterisque hic præteritis, eo ipso quod intra 12 secula nihil de illis ab idoneo auctore scriptum aut creditum fuisse ostenditur. Hæc porro & si quid præterea affertur pro Carmelitæ hoc seculo asserendis; vide pluribus refutata in Resp. mea Art. 16 §. 3.

122 Pro seculo Christi sunt Carmelitæ, 1. S. Telesphorus Pontifex Romanus; quia nempe ante Pontificatum fuit Anachoreta. 2. S. Fronto, quia legitur alicubi, fuisse Monachus. 3. S. Eugenia, quia habitu virili induta, inter monachos vixerit. 4. S. Serapion, Episcopus Antiochenus, licet nesciatur quidem Anachoreta fuisse ante vel post Episcopatum. Sed hæc ex apocryphis aut recentiorum tantummodo scriptis desumpta, ut Art. 16 §. 4 ostendi, fidem non obtinent: uti nec scripta Iosephi Antiocheni, aut Balbini, quasi hoc seculo composita; sed nusquam per annos 1200 ulli visa & à Ribero Carmelitæ seculo 14 pri-

primum citata, adductis inde paucis verbis, ita subito disparuerunt, ut nusquam complacerint amplius. Vide Art. meum 16 citato §.

123 Pro seculo Christi 3 referuntur inter Carmelitas, 1. S. Dionysius Papa, ex Monacho quidem assumptus; sed *cujus generationem deprehendere non potuit* Auctor Catalogi Pontificum seculo 6 scribens. At quod ille tunc deprehendere non potuit, potuerunt annis mille post ipsum Carmelitæ, facientes suum. 2. Spiridion Episcopus Trimethuntis in Cipro: sed hinc ante Episcopatum agri- colam agens, uxorem & filiam apud se habuit quoad vixerunt, nusquam Monachis factus, necum Carmelita. 3. S. Hilarion. Sed is ex Aegypto disciplinam monachalis instituti, à S. Antonio Magno acceptam, primus in Palaestinam inuexit; nihil ab Elianis didicit. Nihil de horum monachatu Carmelitano novit antiquitas; nihil Lectiones Breviarii Romani, licet cœtus eorum Carmelitis specialiter indutus sit à S. Congregatione Rituum.

124 Pro seculo Christi 4 conscripturus Carmelitas P. Sebastianus Art. 16 §. 6, ita orditor: „Hedensius Villegas, clari hominis auctor, in Vita S. Romani Martyris, Antiochiæ passî circa annum 310, Italico Venetiis edita anno 1512, sic habet fol. 53: *Pater Carmelitani monachant inter Fratres sui Ordinis S. Romani, qui sine dubio est hic, mox judicio quæ tempore quo floruit* (scilicet art.

bens, quod Carmelitæ optant, tanti est Carmelitis, ut inde patere debeat omnibus, Sanctos seculi 4 plurimos ad Eliano-Carmelitanum Ordinem spectare; quanti debent esse non Carmelitis, veritatem præ gloriæ suæ quarrentibus, tantus scriptorum numerus, qui totis mille annis scripserunt, & non sciverunt quod scivit Hedensius iste; neque illo seculo 4 S. Romanum, neque seculis præcedentibus aut octo sequentibus ullum alium Carmelitani agnoscantibus.

125 Ejusdem tibi cum Hedensio isto auctoritatis hic esto nosser Cornelius à Lapide, si scripserit, quod ei imponit P. Sebastianus, sic ibidem num. 58 loquens: „Montis Carmeli sacellum, ad quod tempore Eliæ & Elisæi diebus festis conveniebat populus, tum orationis gratia, tum ut Eliam & Elisæum & similes concionatores audirent, mutavit S. Helena in templum, prout asserit à Lapide in cap. 18 lib. 3 Reg. dicens: Neephorus libro 8 cap. 3 asserit, Helenam, Magni Constantinum matrem in Carmelo templum edificasse Eliæ Prophete, 12. „ Ut nihil hic ego dicam, quam ridicule supponat P. Sebastianus ex more hodierno, Eliam & Elisæum diebus festis solitum fuisse in certo loco ad populum pro concione dicere; & quidem in monte Carmelo ejusque sacello; doceat me obsecro, unde sciat, Helenam sacellum illud in templum mutasse, & quomodo id suum dictum firmare potuerit auctoritate Corneliî loco citato. Cogne-

templum in eo ædificari non potuerit, nisi facellum, si alicubi fuerit, in illud mutari debuerit? Ex his atque similibus, uti nihil pro Carmelitis concludi rationabiliter potest, ita neque potest confici apta Ordinis Carmelitani Chronologia.

126 Sed quid ego PP. Carmelitis negem relatos huc usque Sanctos? quandoquidem omnes & singuli *Anachoreta & Monachi* (ita pronuntiante P. Sebastiano Art. 16 num. 50) post Christum, in quatuor primis seculis, ante Basilii præsertim institutionem viventes spectent ad Prophetarum & Eliam Institutum: ideoque merito Lezana Carmelitis ascribat, quotquot primis istius seculi reperit Monachos. Sed miror, quod nullum invenit totis quatuor istis seculis Carmelitam in ipso Carmelo.

127 Pro seculo Christi 5. quis modo adoptabitur Carmelita ex Monachis, Instituto jam in Oriente Monachatu S. Basilii, cum celebri ejusdem Regula vivendi? Eatur in Occidentem. Ibi hætenus nullum Ordinis sui invenerunt Carmelitæ in Anglia, Scotia & Hibernia. Nunc ei omnes Monachos concedit, qui illic fuerunt ante adventum S. Augustini Anglorum Apostoli, Clemens Reynerus Benedictinus; & ipsi ambabus ulnis omnes amplectuntur in fide Clementis prædicti. Probatur tamen etiam in Oriente adhuc viguisse institutum Carmelitano-elianum, ex SS. Hieronymo, Macario, Joanne Cassiano, Sozomeno; quorum adducuntur verba, Eliæ quidem mentionem facientia, sed nihil amplius ad intentum facientia quam hæc Hieronymi: *Noster Princeps Elias, noster Eliseus, nostri Duces Filii Prophetarum.* In quo autem Princeps & Duces? An in stricto monachatu aut professione trium Religionis votorum? Nihil de illis Hieronymus. Sed

rationem addit: *qui habitabant* (& in eo duces nostri sunt) *in agris, & solitudinibus, & faciebant sibi tabernacula juxta fluviæ Jordanæ.* Indicaverit hic Hieronymus, Elianum institutum tunc floruisse, uti tempore Eliæ & Elisei, per habitantes in agris, in solitudinibus, in tabernaculis, quomodo inde sequitur, Eisdem tunc vere Religiosos fuisse per votorum professionem magis quam fuerint tempore ipsorum Eliæ & Elisei?

128 Carmelitis hujus seculi adscribuntur, S. Cyrillus Episcopus Alexandrinus; S. Euphrosyna, & S. Euphrasia. Sed hos partim exsufflat Baronius ad annum 444; partim id non probant recentia aut apocrypha scripta. Neque etiam Carmelitam facit Eusebium, neque alios post ipsum quod se aliquo Concilio subscripserint *Archimandritas Monasterii Eliæ.* Plura inveniuntur Monasteria, etiam hoc tempore, Eliæ appellatione nota; quæ Carmelitis vindicare sine injuria Basilianorum non poteris. Præcipuum tamen stabilimentum Ordinis hujus & præcedentium omnium seculorum fuit Joannes Patriarcha Hierosolymitanus 44, non tam ipse (suspectus enim de hæresi est) quam liber, ei attributus, de institutione Monachorum, qui lapis angularis est totius antiquitatis; sed è loco suo evulsus jam per superius dicta.

129 Pro seculo Christi 6. duos tantum Carmelitas nominatim affert P. Sebastianus, Anastasiam quamdam, quia post obitum mariti secesserit in Palæstinam ibique in monte Oliveti solitaria vixerit: & Jacobum Porphyronitam, montis Carmeli Eremitam. Bene habet quod tandem Carmelita in Carmelo inveniatnr, si tamen Ordinis Carmelitani Religiosus. Pro utroque asserto antiquiora desideramus testimonia: uti & pro eo, quod Carmelitæ hoc seculo persecutionem passi sunt

ORDINIS CARMELITANI.

39

sunt sub Cosroe Persarum Rege cum martyrio multorum è suis : Palzonymyori enim sine alio teste non admittitur testimonium.

130 Pro seculo Christi 7 nullum nominat P. Sebastianus sui Ordinis Sanctum, præter Anastasium Persam, ut talem à Carmelitis coli permiffum. Verum & Basiliani eum colunt ut suum : suum etiam faciunt Benedictini, Trithemius, Dorganus, Wion, Menardus : quin Ghinius ipsum adscribit Canonicis Regularibus. Manebit igitur Monachus per nos Anastasius, etiam si non maneant Carmelita. Invenimus enim pro illo tempore Regulam, quam sequi potuit, in Oriente Basilianam; non invenimus Carmelitana. Quod autem Carmelita hoc etiam seculo persecutionem passi sint ab Humar Saracenorum Principe; à quo & pallium eorum album in barratum mutatum sit, aliud fundamentum non habet, quam Epistola Cyrilli Constantinopolitani, supposititiam. Alia quædam fictitia, quæ ad hoc septimum & quatuor præcedentia secula referuntur, videri possunt in Resp. mea Art. 16 §. 5 & 8c.

131 Pro seculo Christi 8 nullus comparat sanctus Carmelita. Incipiunt autem comparare Carmelita ipsi in Italia, si verum est quod eis hoc seculo fundati sint conventus Senis, Florentiæ, Pisis; ut ipsi quidem asserunt : ego vero & conventus illos & talia asserta sine fundamentum esse, ostendi Art. 16 §. 10.

132 Pro seculo Christi nullus Sanctus adducitur Carmelita : sed adducun-

n. 17, ac seqq. & Art. 3 §. 9. 10. 11. Conventus autem istos pro eo seculo vindicari non posse, dixi Art. 16 n. 112 & 113. Mire etiam hoc seculum floruisse pretendit Ordo in Palestina, ex præsentia illic Caroli Magni Imperatoris; qui certo scitur Palestinam oculis suis usurpasse numquam.

133 Pro seculo Christi 10 ostenditur fuisse Ordo Carmelitanus ex Indulgentiis, ei concessis à Sergio III, & Joanne XI; sed nihilo valentioribus, quam sint prædictæ. Conventus etiam ædificatus ei præsumitur Dinkelspule; sed nihilo melioribus fundamentis, quam prænominatis, Benedictum V Pontificem, qui Carmelitam facere vult, aliter ite probare debet, quam probatum est hæctenus. Ego de illo egi pluribus in Conatu Chronologico meo ad ejus Pontificatum, & in Resp. Art. 16 num. 116. Additur his Sanctus unus, Canadinenfis Episcopus Martyr, Patricius Venetus & Hungarorum Apostolus. Sed hic tam manifeste fuit Benedictinus, ut capere non possim qua fronte cum quis auit Carmelitam dicere. Vide Art. citatum num. 118.

134 Pro seculo Christi 11 nihil est quod Ordinem vindicet quam Indulgentiæ & fundationes aliquot Conventuum præsertim Boppardiæ, Venetiis, Burdigalæ. Sed hæc omnia initia æque ac Indulgentias prædictorum seculorum, vana esse videre licet in mea Resp. Art. sæpius citato 16 §. 13.

135 Atque ita pervenimus ad seculum

etiam toto hoc Opusculo demonstratum, quod in Vera Origine assereram, nullum inveniri ante seculum Christi duodecimum Ordinis Carmelitani Religiosum Scriptorem, nullum Legislatorem, nullam Confirmationem; nullam Bullam Pontificis alicujus aut Patriarchæ aut Episcopi; nullam seriem Generalium, aut Provincialium, aut Priorum; nulla Capitula, nullas divisiones; Provinciarum; nullas Foundationes Conventuum, nullas tabulas civitatum, publicas vel privatas; nullas Indulgentias; nullas præclare gesta, nullos denique veri nominis Carmelitas Religiosos.

136 Jam vero à seculo 12 formari porro Chronologia Ordinis potest apta & illustris, non modo per secula integra, sed etiam singulos per annos: invenienturque deinceps omnia, quæ modo negabam inveniri ante seculum istud 12 uspiam posse. Nihil opus erit male fundatarum pejusque coherentium conjecturarum cetera tam longa, quanta assumitur ad coniectendum Eliam cum Bertholdo. Plana omnia & clara erunt Historiam Carmelitana scripturis: si tamen vel hinc satis habeant, verosimilia pro verosimilibus, conjecturas pro conjecturis tradere, sicuti certum haberi ac monstri non possit. Verum aliud est hominum istorum genius, ferre non possunt sic procedentem me, & *Conjecturalem Historiam* petulantur explodunt; soliti ipsi ea quæ nec sciunt, nec scire citra revelationem possunt, citra hæsitacionem asseverare, usque sic assertis tam firmiter adhærere, ut P. Franciscus Bonæ-Spei, in Præfatione ad suum *Armamentarium* audaçter pronuntiet, *Carmelitana historiam, tot & tanti communi-*

tam sentis, ut subsistere debet, aut nulla; &c. Theista Abundantis anni 1688, de quo embolismus ad Apologiam pro Veritate num. 34, *Quod Elias sit Fundator veri monastici status, quem instituit in vero & essentiali monastico statu, credi quæst fide divina ratiologica, non ut minimum fide communiter dicta divina, cum assensu supernaturali & infallibili, cui falsitas subesse non possit; vel saltem cum Atrebatensi nupero Concilio, ut habetur in elucidatione Actorum num. 454, puncto 2; Historia B. Simonis Stock (& idem de alia quavis suæ Chronologie parte iisdem quibus ista præsentiarum Bullarum vel approbationum Apostolicarum scutis communita videntur deducere PP. Sebastianus & Villalobos) provocata est ad eum certitudinis gradum, qui propinquior est certitudini fidei, neque potest indubium revocari sine specie aliqua infidelitatis.*

137 Atque hæc sufficient pro defensione Veræ Originis aliorumque scriptorum meorum circa Ordinem Carmelitana, contra Theses P. Agathangeli, novum Memoriale P. Sebastiani à S. Paulo, Dissertationem Historico-sacram Reverendiss. Patris de Villalobos, ejusdemque Breve Chronologiam, libros, post positum nuper à Patribus illis Pontificatus silendi de antiquitate sua præceptum, aut editos omnes, aut ad notitiam meam primum delatos. Superest modo, ut propter prædictos libros aliosque forte secuturos, publicam iterarem Protestationem de silentio circa antiquitatem Carmelitana inviolabiliter tenendos, quocumque dummodo modo ipsi me denuo ad loquendum accesserint. Hanc igitur accipe, quisquis silentium amas.

Potest imprimi.

Antwerp. 1698, 27 Sept. ANTONIUS HÖEFLACH C. G. L. C.